

四
明
談
助

道光戊子夏

四明談助

浣江數學半齋刪存

四明談助序

神禹山海經曰東有山曰勾餘實維四明蓋南幹脉白
經剡界嶺起四明山分東西兩界正幹東北行結府治東四明
歷奉象二縣訖于普陀山西四明歷慈鎮二縣訖于定之舟山
歷代郡邑志暨輿圖俱可聚而考也予生長四明喜遊四明山
水亦喜談四明掌故每與儔侶同遊于郡國分合山谿夷險之
未易詳也思從而彙之于坊表門閥善惡感召之未易悉也思
有以貫之一旦見高禮部疎寮所著剡錄以地志而隨紀人物
純仿酈道元水經注例脉絡井井于是恍然曰得我心矣古之
人登高望遠或慕謝公遊屐或稱賀監山川知書地書名之必
當連類及也或論世而興懷或聞名而切齒知餘慶餘殃之尤
四明談助

序

一

當信筆書也抑又疑之鄉先輩素稱淵博莫過于黃南山黃梨
洲全謝山諸君子而何以梨洲四明山志于東四明獨列大梅
一峯南山謂錫山之脉經鎮明嶺直抵候濤山謝山謂四明之
脉杖錫居中以運之又謂響巖釣臺之水歸桓溪蓋由梨洲居
姚江足跡未徧東四明諸峯慎于記載南山謝山無暇遊覽特
出于臆度耳予故耳有所聞正之以目其山川而有向背也必
紀之以爲談地理者之一助其人物而有報應也必紀之以爲
談天道者之一助其地理天道皆可疑而語涉于趣也亦紀之
以爲談神仙鬼怪者之一助顧博學如三公于四明山脉尚有
闕訛以予之寡陋東四明雖嘗歷覽而西四明僅窺一隅得無
有闕乎訛乎古人云闕者補之訛者正之惟望後之君子之有



以教之也道光四年歲在甲申良月小江老學究徐兆昺書
是書成于道光癸未同好者互相傳鈔意欲開雕而苦于乏
費越二載選期適至得授諸暨學訓爰爲銖積刊行以酬夙
願所有原文太繁者刪去後事未載者補入年力日衰難免
罣漏校讐之職魏塘張子起封雲中丁亥小春日昺又識

四明談助首卷總目錄

第一本西正脉 一古書稱帙稱日稱本
今從俗稱稱日本

卷一

總列四明山古蹟事物詩歌并記序傳

卷二

分列太平山	菁山菁江	東山寨	平岡寨	分水
嶺梨洲山響石	白水山	羊額嶺	三台峯	祠宇
觀 百雲山鳳鳴洞	東山	東明山	四明石窻	
劉阮遇仙事	大巖奇松	漁湖	芟湖	錯愕嶺
柿嶺	大闌山	唐裘甫山寨	明末山寨	劉樊昇
仙事蹟	孔處士隱居	韓采巖	蒜坑嶺	苦竹嶺
斤嶺	大小雷尖二山	三女山	龍山蜀山	化安
山 剡湖	石門山	岡山	車廐山故蹟	白巖山
成溪山	大隱山	大隱諸公事	黃墓山	謝山
雲溪	石人潭	稠嶺諸跡		

第二本西正脉二止

卷三

分列孔叟	版障嶺	大雷山	外大雷汪氏	紫巖
山廣恩寺	靜水洞	莊家溪王氏	江村嶺	藤嶺
翠山寺	武陵聖公抱子翠巖前後凰等山	雷峯張		
氏 唐陸二叟	方廣寺	蔣山高氏	高閣山	武
陵桃源溪	靈泉	資福寺	桃源王氏	王子讀易

四明談助

卷首

目一

居 林村杜氏 硤石峯 散人壘 鼈山諸跡

卷四

分列五嶺 資教寺 石塘李氏 九里浦 高橋章
氏 宋高宗避敵事 西渡 接待寺 梁山伯事
袁忠臣祠 吳使君廟 陳家衙陳氏 半村毛氏
城西陳氏孫氏諸族

卷五

分列新河 會別亭 清涼山 海會寺 烏樓陳氏
篠牆衙李氏 潮音堂 張氏慈竹軒 城西范氏袁
氏管氏 馬公橋三忠墓 保豐碑 忠祐廟 北郭
堰 城北葉氏諸跡

四明談助

卷首

目二

第三本北城一

卷六

西山進城脉 西山脉進北城以下歷叙北城古蹟
首叙城中南北界河 次列觀音寺西河前後諸跡
佑聖觀 八圖浦水道 葉氏霽景堂 董氏亦園
宗室趙氏 孝聞坊楊氏李氏 水浮橋林氏陳氏沈
氏 芳嘉橋董司馬第 烏黯橋汪氏阮氏 豐氏別
第 西城董氏舊宅 五魁潭董氏新第 虹橋巷董
氏新第至社壇橋李氏舊宅止

卷七

分列天寧寺西河上下諸跡 東林菴 楊氏棹園

李氏來誰園 并遺事 水氏悠園 白衣寺 并遺事
東上橋周氏張氏柴氏 金家灣金氏紀氏萬氏 祝
都橋屠尚書新舊二第 管勳卿第 天寧寺 昭忠
祠智明橋馬氏 惠政橋 白馬廟 宋鹽運司 元
縣署 小教場 府西河西岸止

卷八

首叙惠政橋河過脉分水 次列橋南余榜眼第 新
巷范氏 附逸事 三版橋王尚書第 費氏新宅 張
氏味芹堂 徐廷尉第 胡御史第 寶墨齋 崇教
寺 浮石池 碧泚水仙廟 至 袞繡橋止

第四本北城二

四明談助

卷首

目三

卷九

首叙城北小山 紫霄館 城北倪氏 楊氏鏡川書
院 介石齋 宋千戶祠 大人堂 道後盧氏 蛟
蜃池 飲飛廟 報德觀 鹽倉 鹽倉門周氏 羊
府廟 陳恭潔公宅 傅隱君舊居 方氏第二府
萬指揮第 屠侍郎第 乾溪蔡隱君居 開明坊舊
縣治 富榮坊今縣治 蔣家園 陳司訓寓竹林
林邑侯祠 林邑侯義倉 蕭王廟諸跡

卷十

分列姚狀元第 古白衣寺 府治內宅 府東河
府後山 府治 陳榜眼故宅 純德廟 宋理刑館

今海關行署 元惠民藥局 平準庫 永豐庫 急
遞總舖 楊邑侯義學 宋奉國軍樓 明遠樓 海
曙樓 子城南門 清瀾池 萬戶府 察院行臺
今校士館諸跡 至 行用庫河止

第五本北城三

卷十一

分列唐鄞州治 宋明州治 附 署內古跡 元慶元路
治 慶元總管治 方國珍府第 附 謀叛族誅事 明
寧波衛指揮司 附 遺事 市舶提舉司 市舶司興廢
安遠驛 附 倭使叛亂事 今巡視海道司 協佑侯廟
諸跡 至府西河東岸止

四明談助

卷首

目四

卷十二

分列宋貢士院 附 明制 并 逸事 元織染局 桂芳第
倪氏 道後徐氏 袁狀元第 秀野園 明季張尚
書第 郡學宮 附 儀制古蹟逸事 并 鄉隅各立社學事

第六本北城四止

卷十三

先叙貫橋河過脉分水 次列慶紹海運千戶所 孫
氏日涉園南至市中心橋止 轉西有 張宮保第歸林氏
馮別駕宅 迎鳳坊三醫士 故家臧氏 水提學第
協忠廟 司獄司 明初縣治 察院前范氏 郡酒
務 醋務橋張氏童氏 偃月隄 紅蓮閣 至 徐氏義

井界河東岸止 再叙後市 魏家巷馬氏 宋市舶
提舉司 姚家巷姚氏 大池鄭氏 划船場 經師
鄭氏 求我齋鄭氏 安分堂鄭氏 魯王元妃陳氏
戴氏粟中齋 茶場廟 拱星坊諸跡

卷十四

先叙瑯琊橋過脉分水 次列廿條橋 硯闌古跡 東
壽昌院 府主東殿 余清卿宅 徐明府第 張氏
瞿瞿堂 海神廟 鹹塘滙 世家周氏 駱職方宅
車橋李氏 南至古小江橋止 茶場東 有 東城楊氏
忠諫里楊氏 王學錄故營 城上別立三江亭 東
渡門硯闌 宋都稅務 方井 城中水出羊廟浦今

四明談助

卷首

目五

設硯闌

第七本南城一

卷十五

錫山進城脉 錫山脉進南城以下歷叙南城古蹟
先列慶雲樓 大坂田 老水仙廟 桃花隄 西關
古跡 湖市 湖西洋山 五顯廟 蔣翰林第 范
氏西園 宋王參政第 并 逸事 義田莊 趙尚書第
又趙氏御史 社南李氏 凡泐城南北諸跡 并 月湖
記序詩歌總列于上分列見下卷

卷十六

先總述月湖十洲 分列烟嶼 上有 舒氏嬾堂 邊進

士宅 樓三學士宅 趙學士錦里 史春坊徐運使
楊侍郎三宅 西湖陸尚書第 陸中丞第 陸榜眼
第 陸給諫第 陸廷尉第 陸孝子廬 不波航
方子留寓樓 余生生借鑑樓 宋徵君宅 觀日堂
宋菊齋寓樓 尚書橋 聖功寺 萬氏寓居 謝御
史第 吳山人居 湖上全氏諸跡
第八本南城二

卷十七

次列雪汀 上有 觀音橋 錢康憲公宅 能仁觀音寺
陳忠肅寓 周氏四休堂 陳處士居 梅花牆 廣
盈倉 周觀察第 常平義田書院 月湖書院諸跡
四明談助  卷首 目六 

次列芙蓉洲 上有 感聖橋 常平倉 義倉 制置使
平糴倉 史丞相府 聞天官第 李尙書第 李都
督宅 李孝子居 范侍郎第 天一閣 楊尙書第
黃府尹第諸跡

卷十八

次列松島 上有 正議樓公講舍 錦照堂王氏 眞隱
觀 松島改名竹洲 謝遺塵廟 沈端憲居竹洲
史少師賜府 胡緱山居竹洲 晏公廟 全氏別墅
諸跡
次列花嶼 上有 湖心廣福寺 十洲閣 澄輝滄洲二
閣 廣生堂 虞大令義井 唐監引水注湖 宋湖

心二名僧 蔣教授講學湖心寺 袁忠臣祠 喬生
遇妖事 張氏寶綸堂 問字橋 月湖菴諸跡
次列柳汀 上有 衆樂亭 逸老堂 涵虛館 賀公祠
明四明驛 四宜樓 水雲亭 閩國公祠 關帝廟
諸跡
次列芳草洲 上有 碧沚亭 史朝奉別業 楊慈湖碧
沚講學 山澤居 范司馬祠諸跡

第九本南城三

卷十九

次列竹嶼 上有 西湖樓氏汪氏 義莊應氏 葺芷應
氏 王家墩湯氏 沈方伯第 陸氏拘花園 史雪

四明談助

卷首

目七

汀竹東居 徐廷尉故居 五岳軒朱氏 張尚書心
遠堂 謝御史第 桂芳橋高氏 楊回卿第諸跡
次列月島 上有 牢家橋宋氏 鑄冶坊邵氏 趙敷文
賃屋 花果園廟 信天緣堂朱氏 永寧巷費氏
韓家橋 縣社壇橋 宋隱君學舍 建碑橋諸跡

卷二十

次列菊花洲 上有 西湖史氏 史越王府 方氏第三
府 張中丞第 高麗張氏 張方岳第 葛榜眼第
馮制使宅 馮氏得趣樓 萬金樓 豐尚書宅 柴
巷徐氏 徐御史第 徐氏宗祠 大歡喜菴 湖東
惠井 陳太史宅 西湖林氏 楊指揮衙 指揮蕭

氏 史忠宣宅 高麗使館 倭人互市始末 寶奎
廟 施氏清風閣 戴學博舊居 維舟埠 時亭
水則諸跡 月湖十洲止此

第十本南城四

卷二十一

分列倉橋河東昌黎泉 趙侍郎水閣 陳參議小築
黃文潔寓亭 威果三十營 元廣盈倉 藕尾港
宋制置使司糴南倉 倉基陳氏 余相國第 飛蓋
園 余相第二府 水月橋 沈相第二府 採橋蓮
義門薛氏 葛觀察第 宋范尚書祠 細湖 日湖
世家周氏 南水門裏河 蔣園廟 蔣金紫園諸跡

四明談助

卷首

目八

卷二十二

分列蔣園橋西雲石 靈應廟 甬水菴 晝錦坊
連桂坊蔣氏 宣少師賜第 寶雲巷李氏 寶雲寺
戒香菴 鎮明嶺并廟 正學祠 元至正末縣治
旌忠廟附 全翰林祠諸跡

第十一本南城五

卷二十三

分列鎮明嶺東廣福寺 威果指揮營 顧漕使宅
鄞縣學并 古跡 高中丞第 仇少宰第 宋王尙書
第 又教授王氏 郭侍御第 陶同知宅 馮氏廢
祠 白鶴廟 李戴丁三中丞第 普照院古趾 雲

在樓陳氏 南湖林氏 又侍御林氏 胡處士居
腰帶河 竹湖坊 林氏近性樓諸跡

卷二十四

分列廣濟橋高氏舊宅 黃氏世家 沈相國第今爲
提署 萬總兵衙 董給事宅 游仙廟 三鳳坊范
氏 紫薇街余氏 章耆巷菜園廟 童元戎第 李
侍郎第 曾家滙 南湖頭諸跡

卷二十五

分列日湖龍舌尖 磚橋廟 紡絲巷紡絲局 南湖
余氏 壽昌寺 定香菴 天封橋朱氏 傅狀元坊
祥符廟 白華庵 新寺大街 太平興國寺 藥師

四明談助

卷首

目九

院 元帝師殿今爲郡城隍廟 宗室趙氏 邵提學
第 握蘭坊 皇親宮 新寺後巷 華檢討宅 漁
欄橋 沙井巷項觀察第 重桂坊孫氏 新街崇讓
里全氏萬氏 新街徐氏 大梁街萬壽寺 單徵士
第 李侍郎別第 縣城隍廟 郁家巷 古司戶廳
司巷徐氏 左提學第 小梁街古司法廳 監倉廳
製幹廳 牢城營 柴家廟街謝氏後爲徐御史第
開明菴 開明山諸跡_至 開明橋界河止
第十二本南城六止

卷二十六

先列南湖蓮心島 延慶寺 曾魯公祠 葛仙流寓

九子南湖詩社 白龍王廟 金太僕第 余相國祠
呂祖殿諸跡 河北有開元寺 五臺觀音院 方氏
第四府 黃氏世家 袁學士宅 胡梅磻寓居 陳
職方第 楊尚書第 陳少師樓輅院二宅基 再溯
來脉自王監橋度河有 大河頭朱氏 宋廣積南倉
東行再度河有 小沙泥街驗點橋 章溪仇氏 天封
李氏 直指菴 興教寺 孫氏逸雲書舍至 青龍橋
東界河止 再溯自大河頭轉北度河有 天封塔 天
封寺 王忠烈公祠 轉東至大沙泥街有 戚家廟
戒通政第後改 謝翰林第 錦樂坊余氏 毛詩余氏
古禮拜寺至 獅子橋東界河止

四明談助

卷首

目十

卷二十七

首列天封橋街祥符寺東至 君子營舊家趙氏 盧氏
文昌殿 古君子營 境清寺 嘉賓堂 境清寺巷
張氏竺氏 世大夫第沈氏至 岳廟右界河止 次列
石柱橋巷石屋王氏東至 盧氏三桂廳 抱經樓 砌
街李氏 長松館今稱 碧蘿菴至 皂莢廟界河止 次
列三法卿儒科世家黃氏 靜遠閣王氏 靈芝堂王
氏 天主堂 廸教積善兩坊東至 車橋北至 古小江
橋止 次列洗馬橋街史樞密府 破石橋吉祥坊
吉祥寺 烏樓巷烏樓廟 冲虛觀街冲虛觀 右營
教場 戒珠菴 火神殿 威果廿八營東至 廿條橋

河北至 大池頭止

第十三本

東城內外
西郭南郭

卷二十八

四明烏山脉 烏山脉沿江東行至城東甬江古蹟提網

首述烏山脉自永寧橋過河沿城古跡有竹墅 方七

太屋 日湖 南湖龍湫 東河際 鄞江門水道

老梅書屋 鄞江書院 東嶽宮 提標軍局 報恩

祠 月船居士居 車橋 市舶務 元市舶庫 海

倉館 常平倉 鹹塘滙水道 四港橋 舊家余氏

歸徐氏 崔指揮衙 明在城都稅務 靈濟寺 湯

四明談助

卷首

目十一

令公廟 芥子菴 平政祠 浮橋埠販聚諸海物甬

江古跡見下卷

卷二十九

分列來安門 甬江樓 來遠亭 天后宮 濱江廟

瓊富亭海物 楊司舶江樓 張玉田卜肆 江下寺

桃花渡 船塲晁公超然亭 戰船廠 蚌蟠廟 屠

氏張網船 江心寺謝跡 烏山脉止于是寺左卽羊

廟浦爲郡城水道關鎖 有三江亭東門礮闌等跡已

見第十四卷

卷三十

四明錫山脉 錫山脉至府治城外西南郭古跡提綱

分列西郭南郭有 假山王氏 大卿橋王氏 陳尙書
第 社稷壇 中秋社競渡 陸觀察竄首事 崇法
寺岡 古赤堁寺基 祖關菴保心亭 鄞女墓 謝
臯羽寓居 董母墓 城西豐氏古跡舊宅 萬卷樓
紫清觀 蓮花塘 老龍灣 楊氏翛園 城南袁氏
舊居 袁氏進修堂 袁絜齋書院 是亦樓原處
又南袁氏 袁氏南園 芳思亭 羅木堂 甬水橋
甬水獲醜事 河東 風雲雷雨山川壇 靈顯廟 草
香園 薛家山 柳亭庵 維衛塔 鄭郎堰 目講
師墓 正議樓公講堂 長春觀 向陽橋 長春圃
長春塘止

四明談助

卷首

目十二

第十四本

東郭北郭

卷三十一

東四明陳山脉 陳山脉西行至府治東郭古跡提綱
分列東郭東湯君廟 一都戎氏 樓氏迂齋 甬東
書院 多福寺 二程夫子學舍 孔夫講堂 七里
塾周氏 張斌橋菴 木蓮藤下史氏 獨善坊 史
氏宗祠 錢氏祖墓 木蓮藤下過脉分水 櫟木廟
洪氏東臯草堂 洪明府第 賣席橋屠氏施氏 李
氏始祖森森亭墓 芍庭錢氏 鎮安橋連氏 神農
殿 賀成廟 永利菴 積慶菴 廟堰碇止

卷三十二

分列東郭西水廠 鹽倉漕 屋泐頭厲氏 三江東
楊氏 浙水大關 林家道頭閘 江東包氏 楊柳
道頭李氏 後塘街鮑氏 下番灘 太保廟 錢家
道頭閘 高階泐張氏 澄波橋過脉分水 新河
演武場 大石磳 迎春巷李氏鍾氏 大埠頭張氏
王家墳 五河橋 梅山池 太白莊 李氏甬東草
堂 澄波橋未過河前東行有徵君廟 棲心院 補
陀寺 故鄞尉治 茅亭 熙春亭 彩虹橋吳氏
石水缸張氏 史狀元第附 陳張二士寓居諸跡

卷三十三

西四明分支 西四明分支至府治北郭古跡提綱

四明談助

卷首

目十三

分列北郭青墩并九十九墩 顏公渠 雁湖 遊冶
巷 管絃樓 顯德廟 佘使君廟 屠氏祖塋 屠
氏舊宅 吳清卿宅 江北盧氏董氏 桃花渡李氏
引仙橋諸跡凡題咏詩歌附

第十五本

西護脉
西副脉

卷三十四

分列西四明護脉廣德湖 白鶴山 十三洞橋 望
春山 桃源王氏 豐惠廟 華胡 十字港 國寧
寺 崇德祠 半湖陳氏 楊儒士廟 湖堤故跡王
氏朱氏 望春橋 浮石薛氏 新莊周氏 倪文學
西圃 白雲莊 證人書院 萬氏管村丙舍 鄮山

書院 史府花園諸跡 下接西郭

卷三十五

分列西四明副脉斤嶺下分支有磨盤山 樟村 太白

山 寶積寺 大畧嶺 東行正支起 錫山 其高閣山一

支已見第三卷斤嶺下再分支有 八囊山 蘆栖坑

鯨魚山 松巖寺 石門潭 蓮花峯 朱湯梅畧長

嶺方三村 天象巖 人頭山 西石山 中潭 許

家橋 錫山分支有 建畧山 寶巖寺 鳳山 梅園山

正支高閣山出洋東行有 九灣 黃公林 朱都憲第

桃源戴氏 布金寺 桂林俞宅 槎湖張氏 林塘

菴 像鑑橋徐氏 看經寺 大禹王廟 歸津菴

四明談助

卷首

目十四

圓明菴等跡 下接南郭

卷三十六

分列錫山 第一重 護脉蔣山 已見第三卷又分支自岳

官漕 落脉東行至 吳龔 水出 太平橋止 又分支自湖後

山 石馬塘聞氏 千丈鏡楊氏 厲家山 厚倉王

氏 馮灣古井 雅渡橋舒氏 南郊眠狗山 南郭

三層樓止 第二重芝山 自石潭鳳山過脉 鬼叫坂

虞家廂 天花里 石臼山 仙隱山 玉堂洞 葛

仙祠 魏氏山房碧溪庵 張雪窻居 仲夏橋 仲

夏堰 張大中樗寮 力施廟 黃枳滙 桃浦橋菴

止 第三重鳳山 自石潭過脉 鳧山 渡河 葛家灣葛氏

莊家山 洞橋樓氏 再渡河 蕪湖吳氏 吳家斗 沙
港口朱氏鳧園 洞仙橋 戚浦王氏 新風棚廟
小江湖 平楚亭止 第四重爲錫山脉邊際 石潭山
碧溪吳氏 小溪港 魏泉使宅 安秘丞宅 白嶠
山人滅怪事 趙參政第 梅陵灘陸氏 梅溪天王
寺大音菴 在澗樓等跡 其脉至葛家橋止

第十六本東正脉二

卷三十七

東四明正脉分列鎮亭山 棲霞嶺 三折嶺 北溪
躊躇嶺 梅樹孔 鬼叫坑 屏風巖 仗錫山 并寺
舒嘯橋 絕頂 風動巖 太白塔 黃侍御山寨

四明談助

卷首

目十五

鬪頭巖 大小巖坑 進風巖 箭厂 茅鑊 杜畧
馮督師寨 東王公寨 大皎嶺 長沙田 簞溪
莊太常宅 小張軍寨 蜜巖石室 陳尙書冥菴
空相寺 後街陳氏 天井山 并寺 灌頂山 峒山
彰聖寺 銀山寺 止墩 芟湖山 薛李二畧 鵝
鳩山 禪巖山 并寺 黃官嶺 木阜山 呂氏 清秀
山 王家滙山 巖菴 澹菴 佛跡菴

卷三十八

東正脉它山 廻沙聞 梅梁 遺德廟 雲濤觀
洪水灣 古城坂 鳥山 普和寺 北巖 楊氏小
山別業 蘭浦堰 光溪 馬湖賀氏 桓溪全氏

沙渚鵲巢烏金磬 中甫呂山人寓居 宣家窗
積瀆磬 風棚磬 狗頸塘 翻石渡 眺江橋 北
渡陳大理宅 綠雨溪 常樂寺 楊司諫宅 瑞光
樓 櫟社沈氏 爐頭堰 行春磬 舟宿渡 下接南
郭

第十七本東護脉二

卷三十九

東四明護脉分列金峩南北諸勝鄞城山 靈茂山
金峩山 金文山 道陳嶺 鮎埼 蕪湖 莢村王
氏 徐東埭徐氏 張華山張氏 長塘堰 石橋黃
氏 荻埭張氏 雲龍磬 薛氏瑞室 鄧橋廣福寺

四明談助

卷首

目十六

止 再列大梅南北諸勝大梅山 護聖寺 保福寺
中陽山保慶寺 乾坑 東山 東山寺 白雲寺
塔嶺山 常充達菴 五峯山 吳家山 百步尖山
黃溪渡 蔡家墩 松溪 櫟斜 橫溪南山書院
任家橫任氏 頓畧 丁灣 王家畧山 茂嶼山止
再列百步尖南北諸勝百步尖山 擇陽山 隱學山
安石嶺 鹽場 大嵩張氏 二靈山 二靈寺 霞
嶼止 再列韓嶺內外諸勝并福泉脉沿湖諸跡 韓
嶺 福泉山 福泉精舍 管江 瞻崎 壺頭 上
水下水 辨利寺 史氏先塋 無量壽菴 裴將軍
廟 九磊山梅園精舍 史文靖宅 大慈山 大慈

寺 悟空寺 妙智寺 柴塲罌山 玉女峯 鄧陸
東湖書院 羅罌 鹿山 雞山 梨花山 高錢山
月波山 月波寺 五柳莊 青山 青山寺 鮑郎
墓 嘉澤廟 劉南窻隱居 平湖腦 白石山 綠
野罌 赤塘罌 殷家灣 陶公山

卷四十

分列福泉東南分支東行轉北正支三山 合罌 慈
罌 郭衢 盤山 鳴角樓山 東吳山 史少師府
俞隱君居 世忠寺 胡郎罌 聖姑山 大涵山
史八行避地居 焦隱君講舍 佛隴山 佛隴寺
覺城菴止 再列太白東北分支太白山 天童寺 并

四明談助

卷首

目十七

內外菴院古跡 徐氏香眉閣 宿鷺亭 揖讓亭
小白嶺 筍箕山 蔡廷尉宅 眞際菴 寶龜山
眞逸閣 跣跨山 南滄罌 水簾洞 鬼谷廟 白
雲山 瑞巖山 柴樓 穿山 長山 鋸門山 龍
洞雙竇 蛟門龍潭 月浦 石湫止

第十八本

東護脉三
江達海

卷四十一

分列太白正脉烏石罌 玉几山 阿育王山 育王
寺 并 內外亭堂古跡 孔墅山 瓶壺山 金雞山止
再列育王正脉鄧山 大廟 陳省元里 黃文潔寓
室 故家張氏 李氏堇山莊 魚山 同谷山 古

鄧城 鐵佛寺 雁栖霞 王府墳 史文靖墓 趙

王墳 陳侍郎講舍 同谷三先生書院 行宮山

省窑山 鄧溪橋 金塘徐氏 雙峯山 五鄉碑傅

氏 夾塘吳氏 棟塘李氏別墅 滙牽橋 斗門橋

小浹江止 再列鄧山正脉陳山 石門畧山 轉東度

河梅墟陳氏世綸堂 錢太僕徐教授二宅 龍山

小梅廟 周李二公寓寶林菴 新橋 度河 萬齡范尚

書第 橫涇陳太守宅 邱隘邱氏 李氏學樊堂

石池廟 再叙陳山脉西行轉南化成庵 度河 曹隘

殷隘 高塘董氏 泮陸 下應 姚家浦 陳山脉

再西行轉南一都七里墊已見東郭卷 度河 柳隘柳氏

四明談助 卷首 目十八

王家衙王氏 三橋李氏 蕭臯碑 李氏別業 下接

東郭

卷四十二

統叙三江達海先列東四明蕙江 徐家渡橋 蕙江

八勝 鄧江橋 懸磁橋 葑潭 釣臺 高尙宅

葛氏世居 地藏殿 外木坑 響巖 聞別駕故居

桂莊 百梁橋 聖壽寺 元貞橋 江口山 芙蓉

江 方橋 橫山 厲山 茅山 徐氏芳春園 宗

室趙氏 茅山張氏 哺饑畷 許孝子居 孫山人

借竹樓 廣目堂 東林寺 冕山 走馬塘 藏春

園 胡家壩 姜山 姜山陳氏 治平寺 天壽寺

黃燕山 陳婆渡 銅盆浦 鄭郎堰 甬江 東津
浮橋 張明五公祠 三江口止 西四明菁山菁江
四明灘黃竹浦已見第二卷 茲列 姚江橋 陸家埠
郁家灣 蜀山渡 丈亭前後江 丈亭館 夾田橋
城山 赭山 管山管江 大隱陸氏 西渡 新
渡 半浦鄭氏 二老閣 鐵沙滙 青林渡 桃花
渡止 以下詳大浹江達海王駐洋 梅墟 大浹江
劉參軍敗孫恩 龍驤將軍平田流 吳王居甬東
秦皇遊鄞至海中 橫海將軍討東越 皇甫處士蹈
海 丁鶴年居海巢 陳生遊蓬萊 南宋勅祀東海
射龍將軍祀桃渚 達蓬山觀海市 黃牛礁對牛鼻
孔爲鄞定海道門戶

四明談助

卷首

目十九

第十九本

東外護
奉象

卷四十三

分列奉化安巖山 安巖寺 蓬島山 鰲魚潭 靈
濟泉 石樓山 老頭陀遊山得伴事 橫山 萬竹
嶼 高端叔居 羅夢章避地事 西溪長汀塘 剡
源山 剡源九曲 王大令李梅岑二公寓居 白石
山 華頂山 三台 日嶺 鳳山印山 奉化縣治
泉口禦金人事 禽孝義馬二事 青錦山 寶化山
文筆山 奉化縣學 龍津書院 忠節坊戴氏 天
門山 大洞山 梅山 新嶺山 獅子巖 黃溪渡

徐鳧巖 栖霞坑 立石嶺 大小晦山 雉嶺 桃
花坑山 胡乘龍倡亂事 雪竇山 千丈巖 飛雪
亭 資聖寺并內外古跡 名僧名賢逸事 三隱潭
過雲木水 爛平山 溪口崎山 塔亭山 岳林寺
布袋和尚事 金鐘山 金鐘潭 孝感山 銅山
漢城山 小秋山

卷四十四

分列象山至普陀諸境 台明嶼 石門嶺 界嶺
橫山 蒙頂山 淡港渡 青龍山 五雷山 北港
大雷山 智門寺 煉丹山 仙掌巖石屋 栖霞觀
象山 望海樓 觀瀾亭 白鹿飲泉亭 象山縣治

四明談助

卷首

目下

東西澄河 望稔樓 竹籬茅舍 象山縣學 鄭行
山 梅溪山 圓嶠亭 鼓吹山 梅溪河 鳳躍山
方壺亭 等慈寺 潘頭陀事 獅子山 玉几山
海眼 雙蓮池 史氏紅木犀花 姜嶼山 烏嶼山
珠山 金蛤潭 屏風山 佛頭山 常樂寺 黃刺
史墓 仙跡巖 錢倉所 爵溪所 清潭山 禱雨
靈跡 龍角山 白蟹潭 五師山 靈巖山 三萼
山 后門山 昌國衛 平沙巖 于綰山 玉女山
石浦所 張將軍鎮石浦 婁秀才死海上事 南田
陳元帥廟 韭山 大薤山 普陀山 桃花山 朱
家尖山 大小洛伽山 蓮花洋 寶陀寺 潮音洞

善才洞 盤陀石 東海古跡 三摩地 眞歇巖
獅子巖清淨境亭 普陀寺怪事 洛伽小白華 普
濟寺 法雨寺 沈家門

第二十本 西外護
慈鎮定

卷四十五

分列慈邑鳴鶴鄉杜湖 白洋湖 鳴鶴虞氏 并 古跡
杜洲童氏 并 書院 磨石山 浪港山 觀海衛 松
浦 五磊山 并 寺 五峯山 并 寺 石柱山 石刺峯
浮鰲山 縣後湖 八面山 慈谿縣治縣學 三孝
鄉 大司成坊陳氏 東鎮橋姜氏 西鎮橋劉氏
德星橋永明寺 三元坊楊氏 司諫坊孫氏 縣南

四明談助

卷首

目二十一

馮氏 宮保坊姚氏 驄馬橋王氏 闕峯山 闕相
祠 普濟寺龍虎軒 金沙岡 四景亭 慈湖楊氏
并 書院 石坡桂氏 并 書院 花瓶山 清道觀 花
嶼湖 休休亭 青蓮勝跡 馮氏天益房 塔山管
山亭 鄧山 驃騎山 并 廟 靈山保國寺 文大夫
故里 顏提學第 李礪 青林渡寶慶寺 雞鳴山
雲湖安慶院 大寶山 大寶泉 蒙亭 西郭劉氏
趙氏 鳧磯驛 鵬山塔 長溪嶺 資西寺 雙頂
山 句餘村 江北泥橫山 大忌山 向頭山 後
海塘 遐追山 二義士廟 香山 并 寺 後海頭沈氏
大蓬山 雁門嶺

卷四十六

分列鎮邑伏龍山 龍山所 澥浦 澤山黃氏 并書

院 梓蔭山 印山 鎮海縣治縣學 古跡海晏亭

石刻遺跡 并逸事 江北黃埼江 千丈塘 清水浦

大浹渡 巾子山張太傅祠 候濤山 仙人洞 鐵

牌和尚 乾元宮 招寶鐵符 觀海樓 威遠城諸

境 次列定海岱山 雙頭洞山 秀山 黃楊尖山

馬畧山 岑港 紫微尖山 雙髻山 鎮鰲山 定

海縣治縣學 總兵府 昌國舊學 翁洲書院 城

中古跡 并 明季事 關山 觀山 道隆觀 定海關

渡 九節龍潭 甬東山 沿海十六畧名目 并 沿海

四明談助

卷首

目二十一

諸山 萬壽寺萬壽蓀 灌門 黃大洋 翁山 徐

偃王廟 舟山獲白鹿事 鼓吹峯 金旗山 沈家

門山 烟墩山 大小竹嶼山 雙鴉山 平巖山列

明季殉節諸臣事 同歸域 西大洋三姑山 長白

山 馬墓山 金塘山 葛仙峯 瀝表嘴山 螺頭

門 大榭山 竹山門 摘箬山 東大洋衢山十二

峯 長滄山 東霍山 蘭山 釧山 石弄山 梁

鴻山 白沙山 馬秦山 歇轎巖 蓮花峯 安期

洞 桃花山龍潭 香火礁 烏石塘 六橫山 馬

蟻山 終于江浙界馬跡黃龍盡山

四明談助目錄

第一本西正脉一

卷一

四明總論 凡古跡事物詩歌無從分列者



四明山

先述

郡邑志

後附

王伯厚七觀二段

道書丹山圖

詠二十四首

黃梨洲圖詠序一首

陸魯望四明九題

詩序一首

詩九首

皮襲美和陸詩九首

黃梨洲四

明九題考一首

詩九首

靳治荆和梨洲九題詩九首

李東門九題咏九首

句餘土音賦南雷九題九首

戴

剡源四明山絕句十首

沈嘉則四明山長句一首

沈

蛟門四明山歌一首

四明談助

卷一

目一

謝隱士居

述

四明山志

徐舍人宅

錄

聞志傳錢志徐浩辨

蕭鍊師祠宇觀

附

孟東野送蕭鍊師入四明山詩一首

章全素傭作得道

俞叟作術周呂生

俱錄

四明山志本傳

施肩吾受丹仙去

附

四明山志記一首

施肩吾詩四首

剡客遇仙

採

雲笈七籤

許寂遇劍客

採

北牕瑣言

王可交賣藥

附

四明山志記一首沈蛟門詩一首

元二士隱寓僧舍

葛慶龍見清容集

張憲見四明山志

四明山土物

犀牛

五色雉

青毛金文龜

黃頷蛇

石燕

五色杜鵑

卷柏

風蘭

旱蓮

石耳

雪桃

玉延

仙人菜

白附子

後附

萬季野竹枝詞二首勾餘

土音土物詩十首

卷二

西四明脉 西四明入城正脉自太平山起古跡分隸諸山

太平山錄 四明山志并 孔德璋太平山詩孫興公太平山銘

吳于吉住太平山述 四明山志 奔牛隴述 四明山志

菁山菁江述 四明山志後附 勾餘土音土物詩一首

東山述 四明山志 李侍郎山寨錄 鮎埼亭集李研齋傳

張司馬平岡寨錄 南雷文定張公墓誌鮎埼亭集神道碑

分水嶺述 水利脩覽敬止錄曹志

梨洲山述 四明山志附 戴帥初汪師古并 句餘土音詩

白水山羊額嶺述 四明山志 三台峯石屋述 四明山志

祠宇觀石田山房錄 曾堅石田山房序并 沈嘉則朱景純詩

四明談助

卷一

百雲山錄 四明山志并 黃忠端記 東山述 山志東山辨

東明山述 四明山志附 戴九靈記石孝子殺五虎事

四明石牕述 四明山志錄 沈嘉則遊記一段余君房四明山

遊籍序一首又 四明山遊記跋一首王右仲答汪時億詩

并序一首

劉阮遇仙述 四明山志并 曹唐詩 大巖奇松採 余君房記

漁湖引 嘉靖志錄 雲笈七籤沈嘉則游記勾餘土音詩

錯愕嶺採 沈嘉則遊記并 度嶺詩又 汪長文度嶺詩

柿嶺採 沈嘉則遊記 大闌山錄 四明山志

唐裘甫據大闌錄 通鑑平亂事附 句餘土音甬上饒歌一首

明末山寨採 鮎埼亭集山寨記後附 王公翊傳 盧公若騰

傳并 勾餘土音擬薤露詞二首

劉樊昇仙述 四明山志附 謝臯羽鐵充之沈嘉則三詩

孔處士居述 四明山志附 沈嘉則詩 寒草巖錄 鐵充之詩

韓采巖探 余漢臣遊記 蒜坑嶺苦竹嶺探 沈嘉則游記

斤嶺述 水利脩覽附 大小皎辨 大小雷尖述 四明山志

三女山述 四明山志附 謝山區茶詩并 茶竈賦序

龍山蜀山節錄 南雷文并 謝山九靈山房記周文穆識小編

化安山剡湖述 四明山志錄 宋無逸詩黃忠端記

石門山述 四明山志附 梨洲石門山詩一首

岡山車廐山述 四明山志附 明時銘詩一首

白巖山述 四明山志附 神將運殿事 戍溪山錄 曹志

四明談助

卷二

目三

大隱山述 四明山志錄 大里黃公傳并 攷異又 董孝子傳吳

越林丞相傳大隱楊先生杜先生傳七觀注顧主簿事

黃墓山述 四明山志 句餘土音題黃墓詩一首

謝山雲溪石人潭述 四明山志曹志附 稠嶺錄 聞志

四明談助卷一

鹹塘滙齋課餘錄

全謝山先生有東四明山脉說言七十峯之正派爲鄞支派爲慈而鄞之派又分江西南者爲正派江東南者爲支派茲于課餘錄四明名勝卽隨四明正支二派以山川爲經以古蹟事物詩歌爲緯隨見隨錄每卷各有提綱有條不紊第經其地而或未知其地之有是人知其人而或未識其人之生是地聞見未廣動多遺失因以四明圖詠總論列于前次列江西南之正派而西南之正派有三一起于四明主山其源自天台山經剡界嶺南來過西先起太平梨洲等山後起大兪山歷大闌斤嶺轉東起大雷尖小雷尖經版章嶺出武陵桃源沿江東行起城北小山俱西四明脉此爲府治之主一

四明談助

卷一

一

自斤嶺分出東行歷南雷盤谷起錫山落洋至老龍灣進城起城南雲石鎮明嶺亦西四明脉此爲府治朝案一起于四明杖錫其源亦經剡界嶺南來過東起鎮亭山東行者結奉化縣并先發外護起江東金峩太白諸山其北行者經栖霞嶺三折嶺躊躇嶺後起杖錫山并天井灌頂山出它山沿江東北行盡于甬東馬頭俱東四明脉此爲府治託護古稱東西四明者以中有大溪其源發于唐田以南諸山北行經杖錫山之西出大皎歷蜜巖平水東北行直趨郡城入南門出東門落羊廟浦爲東西兩脉分界也地道難窮而水之分界可見今將江西南正派之三支先總論後分列于左

四明山

四明舊稱周圍八百餘里統天台而言之也其山東屬鄞東南屬奉化東北屬慈谿西連紹之餘姚上虞嵊三縣南接天台北包翠碣四面各有七十峯東如驚浪西如奔牛南如驅羊北如走蛇總二百八十峯東生梓西生松南生柏北生檉及黃楊自平麓至峯頂約一萬三千文中爲芙蓉峯最高有四穴若開戶牖以通日月之光故號四明道書載天下洞天三十有六其第九曰丹山赤水洞天卽此唐置州治因山氏州曰明州其初總名天台山一名鬼藏山李思聰洞淵集曰秦皇帝命臣王鄞驅山塞海鬼神勞役奔入四明不出故名鬼藏一名勾餘山山海經曰勾餘之山無艸木多金玉王伯厚七觀曰東有山曰句餘實惟四明是也一曰赤水在象山

四明談助

卷一

二

節錄郡邑諸志

宋王伯厚

應麟

四明七觀

昔嘗窺宛委之簡見神禹之山經東有山曰句餘實維四明南餘姚北勾章二縣以爲名卽山氏州俶自開元之盛其山嶮嶮龍嵒豁砮嶽峻駿極顛蒼危碧峭青方石四面天劃神剝出入三光窻豁牖豁對修眉于天姥接五界于金庭孫綽遊天台賦注五界五縣之界餘姚鄞勾章剡始寧 茲謂赤水之天兮瑤扉闢而不扃松晉羨期之儔來宅來燕放悲壺瀛駟虬粲鷺娛翔紫青山中人兮冠切雲駒皎皎兮鴻冥冥或梯空而上或履雪而行從逸老以逍遙賦二韭與三菁景幽棲之至行道義重而貨輕珍木嘉艸夔蕝敷榮咕甘濟芳有果青櫨茗十二雷采瀨區

萌川原出焉練澄黛渟雲蒸雨降豐我稻稔南豐廣德湖山記
其下桑土蠶綸繭純紅女織斐交梭吳綾唐地理志云明州
躡屐屨以攀躋經沓嶂之紆縈僚參同之伯陽佇客星之子
陵軼埃壒乎區外速飛遯而離羣安石之東山謝傅之太平
咫尺可尋也

道書丹山圖詠相傳梅福木華賀知章益亮諸公互作芟撮
注釋所成凡二十四首聞志

四明丹山赤水天靈踪聖跡自天然二百八十峯相接其間
窟宅多神仙

其山東面如驚浪七十高峯列烟嶂一條流水入勾章二仙
聖德彰慈養 註云鮑全有聖德董黯有孝行俱出後漢時

四明談助

卷一

三

乃四明山地仙也

秦皇神將有王鄞驅山塞海溺其身葬於水底不填築號作
鄞江今尚存

大雷山前淨水洞謝朓曾居茲讀誦因名大隱屬慈谿泉源
水脉皆相統 註云大雷山昔多禽獸獵者常汙觸洞中神
仙作大雷雨洗洞而阻之山與洞因名

數峯狀似蓮花葉勢與梨洲洞相接一派清泉下小溪數百
餘家安活業 註云內有芙蓉峰與梨洲洞相近晉時孫興
公與兄承公遊此山見道邊梨含之不饑再來已失其所

後因名之

四明山志注梨洲洞在西不宜置之東面

傍聳高峯形突兀頂頭石匣盛仙蜜下有龍潭湛百尋藏書

石室深牢密 註云蜜巖曾動星象龍潭之下更有石質潭

潭上有石室藏神仙秘典禹時逸士王真嘗一啓視甚奇

異也 四明山志注云後漢有王真年且百歲周流登五岳名山此云禹時未可爲據

其山西面如奔牛岩巉次第相連勾大峯小峯計七十山足

兩岐通越州 敬州止錄云木華時豈有越州名故知托其名耳

伏龜山如雞子狀隱岫嵯峨百般樣山中三朶五朶峰仙人

日日遊其上

漢時曾有張平子駐前割木呈其技板木餘殘三五堆紫金
顏色真神異 注云板木作紫金色常有雲霞覆之昔時張
充曾見得其五寸往見會稽太守割作蝴蝶遂冲天而去

張充字延緒南齊人

四明談助

卷一

四角仍雕獅子守塵劫雖移終不朽毛竹千尋生澗邊藥苗

僊果般般有

翠巖中間有石壁礙石遮雲數千尺內生異果能飽人兼有

澗泉通海脉 注云晉葛僊翁到此見洞中有大魚以杖擊

之勿見山神曰澗水通大洋此魚從海而來 四明山志注翠巖于四明

爲東面

魏時有人楊德祖路傍曾與山仙語二仙把火覓金刀象形

刻字因茲起 註云謂剡溪得名之因也 四明山志注剡溪于四明爲南面不

當置于西

其山南面如驅羊七十峯巒形列張漢時劉阮迷七日人間

六代子孫亡

中有大池數畝地穴內仙蛇常吐氣化爲雲雨作樓臺水應
簞溪入數處 注云山有金色蛇居石縫中天欲雨作牛吼
聲中人亦死簞溪者因水曾流出仙簞故名

白巖瀑布如飛練俱入紫溪流汗漫中有一山如覆盆林木
交加花卉亂 駐云紫溪近白水道觀 四明山志注白
水宮在西面

兩峯各名大小晦蔽日陰沈輕霧翳樵夫應則昔時遊石牀
數丈祥雲蓋 註云宋應則入山見景色秀麗所見多異及
復來晦冥不敢久留因名大小晦

其間仙獸有犀牛范顏捕得皮爲裘服之對面人不見隱藏
形迹無踪由 註云范顏梁時人

其山北面如走蛇危巒疊嶂無津涯七十之峯數亦足八囊

四明談助

卷一

五

罽網相交加

又湧二山爲兩陣引開長澗分墻仞抱子山頭石室平泉如
甘霧靈仙隱 注云有山兩陣相向中央澗水流分四面俗

呼爲大小皎是也 四明山志注八囊抱
子山俱應列東面

鄭宏曾究山海經經中具列此泉名名爲聖水味甘滑服而
得之當長生 注云鄭宏劉宋時人

四明山中如伏虎徧生青石爲其祖鑿開七竅出祥雲竅中
各可興雲雨 註云四明山中心名伏虎山七峯各有一穴
皆泊龍神山海經云山高無竅不爲名山也

石庫藏書倉貯鹽食之其味多甘甜一條槎木二百尺光明
夜照羣山尖 注云梅子真曾宿此庫見藏書莫知其數齊

時樵人何昕遇一倉鹽以少許歸而食母其味甘不數日
白髮再黑再往取之已失其所又見一槎木二十丈橫于

山腹常吐光明

四明山志注此大梅山也不宜置之山心

東連勾章西舜窟南嗣天台通地骨北包翠碣愛其源地聖
天仙時現沒 註云此四明山之四至也

周廻盤廣八百里古來靈瑞難遍紀梅福爲仙居此山劉綱
作宰妻樊氏 註云周時義士益昌昇仙此山後梅福隱居

石室夢一人相謂曰周景時益昌化此室其骨秘天井及
明果獲其骨遂與埋之福亦僊去劉樊昇仙在大闌山

丹山圖詠序

南雷文定

道藏中有丹山圖詠以四明山名勝製爲法曲而託之木元

四明談助

卷一

六

虛撰賀知章註其圖爲祠宇觀所刻與元道士毛永貞石田
山房詩合爲一卷則此詠此註亦永貞之徒所爲按木華字
元虛在晉爲楊駿府主簿而詠中所稱宋應則鄭宏齊謝朓
何昕梁范顏初未嘗自掩覆其年代之不倫也四面七十峰
疆域亦不免淆亂如以小溪接梨洲以翠巖屬西面以紫溪
附大小晦以抱子山置大小皎皆疎畧之甚至其攀援故事
大概子虛烏有不可以記傳勘之固鹵莽道士之常不足怪
也原圖不傳余旣爲別作其咏注之失亦稍正之憶歲壬午
至自燕京與晦木澤望月下走蜜巖探石質藏書處宿雪竇
觀隱潭氷柱大雪登芙蓉峯歷鞠侯巖至過雲識所謂木水
歸而晦木爲賦澤望爲遊錄余則爲四明山志其分四面各

七十峰因夫圖詠之例也亡友陸文虎欲刻之而未遂海內
兵起徐忠襄公石麟問浙東可以避地者余以四明山對旣而
忠襄來書謂吾舉足西向則言與陳臥子興晉陽之甲舉足
東向則言擁立潞王朝議如此四明之緣絕矣吳霞舟先生
鍾巒流離海外余亦欲以此山處之道阻不果薛孟諧作先生
傳有嗚咽而赴四明山之招者此也山寨纂嚴此山遂爲戰
地血瀑魂風嶽嶮變色猶幸二公之不來耳當余手鈔道藏
之時方欲遍遊天下名山不過從此發迹卽不然而自絕于
世亦泥封洞口猿鳥以爲百姓藥草以當糧糒山原石道別
有往來豈意三十年來芒屨櫛笠未沾岳雨茲山亦遭勞攘
高棲之志尚無寄托執筆圖此有涕潸然甲寅二月二日黃

四明談助

卷一

七

宗羲

唐陸魯望龜蒙四明山九題詩并序

謝遺塵者有道之士也嘗隱于四明之南雷一旦訪余來語
不及世務且曰吾得于玉泉生知子性誕逸樂神仙中書探
海岳遺事以期方外之交雖銅墻鬼炊虎獄劔餌無不窺也
今爲子語吾山之奇者有峯最高四穴在峯上每天宇澄霽
望之如牖戶相傳謂之石窻卽四明之目也山中有雲不絕
者二十里民皆家雲之南北每相從謂之過雲有鹿亭有樊
榭有潺湲洞木實有青櫺子味極甘而堅不可猝破有猿山
家謂之鞠侯其他在圖籍不足道也凡此佳處各爲我賦詩
因作九題詩詩四十字謝省之曰玉泉生真不誣矣好事者

爲予傳之因呈襲美

石窻何處見萬仞倚晴虛積靄迷青瑣殘霞動綺疏山應列
圓嶠宮便接方諸祇有三吳客時來覈隱書

石窻

相訪一程雲雲深路僅分嘯臺隨日辨樵斧帶風聞曉著衣
全濕寒衝酒不醺幾回歸思靜彷彿見蘓君

雲過

雲南更有溪丹礫盡無泥藥有巴賚賣枝多越鳥啼夜清先
月午秋近少嵐迷若得山顏住芝萐手自攜

雲南

雲北是陽川人家洞壑連壇當星斗下樓撈翠微邊一半遙
峯雨三條古井烟金庭如有路應到左神天

雲北

鹿亭巖下置時領白麕過草細眠應久泉香飲自多認聲來
月塢尋迹到烟蘿早晚吞金液騎將上絳河

鹿亭

四明談助

卷一

八

樊榭何年築人應白日飛至今山客說時駕王麟歸乳蒂懸
松嫩芝臺出石微憑闌虛目斷不見羽華衣

樊榭

石淺洞門深潺湲萬古音似吹飛羽管如奏落霞琴倒穴漂
龍沫穿松濺鶴襟何人乘月弄應作上清吟

潺湲洞

山實號青櫺環岡次第生外形堅綠殼中味敵瓊英墮石樵
兒拾敲林宿鳥驚亦應仙吏守時取薦層城

青櫺子

何事鞠侯名先封在四明但爲連臂飲不作斷腸聲野蔓垂
纓細寒泉佩玉清滿林游宦子誰爲作君卿

鞠侯

唐皮襲美

和陸魯望四明九題詩

窻開自真宰四達見蒼厓苔染渾成綺雲漫便當紗櫺中空
吐月扉際不扃霞未會通何處應連玉女家

石牕

粉洞二十里當中幽客行片時迷鹿迹寸步隔人聲以杖探
虛翠將襟惹薄明經時未得過恐是入層城

過雲

雲南背一川無雁到峯前墟里生紅藥人家發白泉兒童皆
似古婚嫁盡如仙共作真官戶無由稅石田

雲南

雲北晝冥冥空疑背壽星犬能諳藥氣人解寫芝形野歇遇
松蓋醉書逢石屏焚香住此地應得到金庭

雲北

鹿羣多此住因搆白雲楣待侶傍花久引麕穿竹遲經時飲
玉澗盡日嗅金芝爲在石窻下成仙自不知

鹿亭

主人成列僊故榭獨依然石洞聞人笑松聲驚鹿眠井香爲
大藥鶴語是靈篇欲買重栖隱雲峯不受錢

樊榭

水流萬丈源盡日瀉潺湲敲碎一輪月鎔消半段天響高吹

四明談助

卷一

九

客動勢急歎雲旋料得深秋夜臨流盡古仙

潺湲洞

山風熟異果應是供真仙味似雲腴美形同玉腦圓銜來多
野鶴落處半靈泉必共桃源種花開不計年

青樵子

堪羨鞠侯國碧巖千萬重烟蘿爲印綬雲壑是提封泉遣狙
公護果教猱子供爾徒如不死應得躡元踪

鞠侯

餘姚黃梨洲

宗義

四明九題考并詩

唐陸魯望皮襲美有四明山倡和分爲九題後之言四明名
勝者莫不淵源于此顧四明非九題所得盡而尋九題者又
往往不得其處嘉靖間餘姚岑原道求遺塵九題止得所謂
石窻者鄞人沈明臣以大蘭山爲過雲奉化戴洵以仗錫爲
石窻皆以意相卜度宜乎其失之遠也余創四明山志與山

君木客爭道于二百八十峯之間而知所謂九題者陸皮未嘗身至止憑遺塵之言鑿空擬議故在陸皮已不得九題之實後人憑陸皮之詩以求九題其不得遺塵之實又何怪乎余既考其得失每題系以一詩豈能與魯望襲美爭秀然憑虛撫實使好事者無迷山遲響之惑則有間矣一曰石窻在大俞村自麓至顛十里削成石室高五尺深倍之廣如深而六之中界三石分一室而爲四謝康樂山居賦注云方石四面開窻不知其總在一面也其謂之窻者凡石穴多在平地故稱之爲洞爲室此獨懸空上出有似乎窻也二曰過雲奉化雪竇山有嶺名二十里雲故遺塵云山中有雲不絕者二十里因此嶺而言也三曰雲南在桃花坑山之下其地至今

名雲南里陸詩之巴賚越烏皮詩之無雁到峯前豈可借滇蜀事爲點綴乎四曰雲北蓋雪竇之北也陸詩金庭如有路皮詩應得入金庭不知金庭在四明之西南言之于雲南差近言之于雲北則懸隔矣五曰鹿亭在大闌山南史孔祐至行通神隱于四明山有鹿中箭來投祐祐爲之養創愈然後去故于祠宇觀側建鹿亭皮詩謂在石窻下失其地矣六曰樊榭元曾堅云劉樊從大闌飛昇建祠其所祠側爲樊榭皮詩石洞聞人笑大闌未嘗有石洞也七曰潺湲洞餘姚之白水宮是也天寶間從大闌移祠宇觀于此始劉樊居潺湲洞師事白君因其故居也八曰青櫺子今亦無識之者按以求之無一物相似豈艸木之種類亦有絕歟陸詩環岡次第生

徒虛語耳九曰鞠侯雪竇西十五里爲徐鳧山有鞠侯巖以其形似鑿字名之攢峯割日哀瀑崩雲誠奇地也皮陸以連臂斷腸當之何山無猿而以此私一四明哉有以知其不然矣是故文生于情情生于身之所歷承虛接響寧獨此九題哉遺塵發之而余考之千年旦暮同是南雷之人相與言南雷之事而已

高閣雲中見四窻一面連梯空尋地穴鍊石舉危天寶鏡開霜曉珠簾捲暮烟自從劉阮後康樂亦遙傳

石牕

不雜炊烟色非關雨氣颺神龍眠雪窖山鬼樂幽篁曳杖兜羅重霑衣瀑布狂相將過嶺去二十里雲長

過雲

南行雲過盡始見有人家名里今如故遺風昔不差僧留人

四明談助

卷一

十一

外偈桃發自然花盤谷無嫌小

地名小盤谷

山將出路遮

雲南

北行雲過盡籬落傍僧筵竹笕分猿飲霜鐘起象田磨厓留漢隸鉏石得唐年聞說巖栖者終身昧市廛

雲北

鹿亭何自置千古仰仁名久矣忘機械蠢然託死生朝饑開藥院秋冷侍茶鐺縱使歸山去長來月下鳴

鹿亭

大蘭存故榭昔是夫人居石有藏雲竅

石有七竅

溪游禁術魚猶疑停絳節時或得仙書此地逢樵獵相親且莫疎

樊榭

聞說潺湲洞當年隱白君守爐同弟子洗藥委紅裙

有洗藥池

積千年雪平分萬壑雲自來聲未絕曾和步虛文

潺湲洞

何物青櫺子空傳上世名野人俱不識山鳥或相爭玉樹空垂賦瓊花不別生環岡笑魯望詩句豈真誠

青櫺子

曾到徐鳧境巖形象鞠侯瀑飛聲自苦月映臂如勾不答山禽喚空回過客眸前人工賦物遺悞在林邱

鞠侯

遼海斬治荆和梨洲九題詩并引

余夙慕浙東山川於松陵集中見四明九題詩恍惚神往不知其真境若何也今見先生九題刊訂分明宛隨筇屐詩更親切入情非同皮陸懸擬固陋遂依韻奉和請正焉

異境層巔闢虛窻四室連高懸應礙日上出欲通天融透深冬雪棲牢萬古烟不緣公好事實錄許誰傳

石牕

嶺路何綿邈烟巒任簸揚彌漫看霧樹淺近笑風篁

謂杭州風篁嶺

境幻行忘困峯奇叫欲狂飛泉何處落遙指練光長

過雲

雲南舊里在烟火動山家樹豁看才見峯奇路恐差寺鐘生

四明談助

卷一

十二

竹塢磻戶闕桃花勝賞元塵外層巒面面遮

雲南

雲北看雲好層層落几筵佛龕疑鹿苑仙窟想芝田臥憶金庭舊遊思雪竇年行當相去近不異市和廛

雲北

鹿去何年事亭留此日名銜環寧望報養創爲全生客駐登山屐僧依折脚鐙斑龍千歲活可更向人鳴

鹿亭

故榭垂名久曾因仙眷居去應驂白鶴來合並丹魚石有通靈竅巖藏証道書欲吟步虛曲只自愧才疎

樊榭

洞府開青嶂仙官邈白君芳溪曾洗藥春月可湔裙谷暗初斜日岡停乍起雲潺湲終古韻好綴柳州文

潺湲洞

木實號青櫺圖經秘此名神龍嘗未得爾雅說徒爭不可尋求見誰云次第生如堪資服食肯惜禱祈誠

青櫺子

不謂層巖聳居然似阿侯躬彎伸詎直臂弱引仍勾坐老披
雲性凝餘竊果眸支筇看不厭渾欲揖浮邱

鞠侯

李東門嗽九題咏

孤峯千仞立一面四窻開天際雲霞燦都歸石室來

石牕

山頭若非雲靜中境不動往來二十里嶺上曾無空

過雲

盤谷何妨小桃花愛有坑南行雲盡處家室聚安康

雲南

雲北雲無盡家家伴几筵人隨雲不老那識市和廛

雲北

鹿因祐而生亭因鹿而名孔君還在否鹿復向誰鳴

鹿亭

故榭留風月夫人尚往還大蘭通竅石誰復踏苔斑

樊榭

洗藥溪流盡何緣遇白君千年堆積雪萬壑散浮雪

潺湲洞

青櫺味極美不用羨山家莫道採無子何曾看有花

青櫺子

四明談助

卷一

十三

像形洵不謬喚作鞠侯巖坐老徐鳧上憑他過客瞻

鞠侯

句餘土音賦謝遺塵南雷九題

登陸推四明舊以窻得名二百八十峯一氣分戶扁一萬八

千丈百道通神靈朗然開四目日月互虧盈

石窻

山中何所有有二十里雲遙天時淡蕩元化長氤氳雞犬都

皞皞艸木亦醺醺曉行不知曉昏行不知昏

過雲

信步更前行長坑表古聚石壁成天桃蒼苔雜紅雨湖水碧

于油赤鯉紂盈渚有花盡南枝有鳥盡南翥

雲南

拱北山更奇折北水愈冽三潭清冷冷二竇明瑟瑟我來相

夕陽嵐影總漫滅疑鼓無絃琴一笑自怡悅

雲北

吾愛孔高士至行通神明古人夸放麕未足比深仁應憐百

年來山寨驚崩雲洞天遭勞攘空亭委荆榛

鹿亭

夫人已仙去好逌傳佳話猶傳皂莢林飛鳧多憑藉蜀岡自
東臨藍溪向西瀉時有三青鳥來歸訪故榭

樊榭

夫人何所師深洞禮白君至今白水岸猶見洗藥痕將無潺
湲中或餘石髓存剛腸吾所媿何以養元神

潺湲洞

曾聞眞隱翁竹洲摹洞府醉拋青櫺子離離不可數如何環
岡產空供山猿哺莫笑笠澤誣應恥山翁瞽

青櫺子

何水無猿嘯巫峽偏有聲何山無猿遊鳧巖最有靈王孫旣
久住并肖山之形三歎封侯臂數奇老石城

鞠侯

詩話姚江黃氏所攷四明九題俱核惟鞠侯則謝遺塵口
中明指山猿不可但以山形之肖鞠侯當之也

四明談助

卷一

十四

元戴剡源

表元

四明山十絕句

雁飛不斷楚天長雲路霜林級級黃何處人烟有墟落北風
高壠散牛羊

楓樹坑

山深不見焙茶人霜日清妍樹樹春最有風情是巖水味甘
如乳色如銀

茶焙

小橫欲盡大橫來萬壑千巖洶湧開聞道洞天深幾許紫雲
深處有樓臺

大小橫山

亂雲穿盡得平蕪一段冰雲碧玉壺猶是春風未相棄山前
吹長萬龍鬚

北溪

洞深烟樹碧氤氳只采靈苗不采薪問着蹤由多懶說相逢

莫有姓韓人

韓采巖

怪石驚湍吼不休時時巖客飲寒牛誰知此水明州去浸作
琉璃萬頃秋 莽廣溪

七里黃泥紅樹岡西風果熟一村香居人只道山深好三百
年來是戰場 大闌

仙在人間不易尋當年已道是山深可憐華表標題處夜夜
猿啼楓樹林 仙山

兩頰稜稜額下分更無拘處可藏雲西風怕奪行人眼菽麥
滿山鋪錦雲 羊額嶺

劉郎一去杳無踪水白山青只故宮欲問巖前老松樹人間
禁得幾秋風 白水宮

明沈嘉則 明臣 四明山長句

四明談助

卷一

十五

李白夢天姥烟濤茫茫走東魯隨風吹墮禹穴來萬里心魂
掛瑤圃興公賦天台赤城霞氣標蓬萊五彩肝腸濯翠海九
天日月披銀臺四明之山誰所鑿天公爲我開樓閣雙牖高
看烏兔飛四窻平眺星辰落青雲冥冥豁洞天使我坐閱心
茫然手捫白虹不到地眼覩綠雲吹春烟九州點破黑子大
滄海東窺一衣帶天上銀河貼面流神遊八極吾將奈千秋
闕跡人莫尋萬古靈踪此真快二百八十峯天簇青芙蓉丹
山穴紫鳳赤水蟠黃龍氣雄五岳掩天柱勢奪十洲凌閩風
不周山崩誰所觸祖龍沙邱不敢哭騎龍跨鳳訪仙曹朝向
崑崙暮王屋願呼樊夫人爲我歌且舞手拍洪厓肩醉枕赤
松股璿房瓊室七十二恐是蓬壺世難覩雙雙帝子愁蒼梧

穆王馬蹄知有無金書玉簡秘不得越水至今流禹都

明沈蛟門貫一四明山歌

我昔長歌天姥吟今來飛越江之深烟波浩蕩都在眼蒼厓
白鹿紂可尋游足未開意已窘片雲隱約前村盡適來縱入
丹山赤水之洞天果爾二百八十芙蓉之峯相鈎連沸如巨
浪排九淵渴虬饑鱷崩奔前驚魂褫魄悸不定乃知世間安
得無神仙際天但有淺黛色到頂猶窮羽人翼謝公萬夫鑿
不得支遁欲度空歎息黃熊近人白虎怒杜鵑半染松花碧
青鞵屢穿幾悔來眼前可卽仍徘徊俄聞竹間響茶臼寺門
正對雙眉開艸根敲冰持滌釜織陰近送靈湫雨劉綱臺榭
收紫綃王交瀑布懸青組二韭三菁宛可拾東烏西兔紛來

四明談助

卷一

十六

舞篆烟雕霧無時休一雙白鶴飛何苦吁嗟乎劉郎誤入青
山圍不是忘歸不得歸薜荔滿牆皆可衣胡麻滿谷何愁饑
赤雲層層團白日任他渡口桃花飛百年三萬六千日古今
賢聖皆永畢何爲容易別青山空教青山笑不還誅茅結屋
弄流水溪雲與我長潺湲

謝隱士居

舊志云四明山之南雷爲謝遺塵隱處然今不可攷矣

徐舍人宅

在四明山下唐中書舍人知制誥徐浩貶明州別駕遂居此

聞志

公字季海從越徙鄞自稱四明山人由明經以文詞著張燕

公說薦爲集賢校理授中書舍人詔令多出其手旋以御史劾奏出爲明州判遂居焉父嶠之善書季海得家法嘗書四十二幅屏八體皆備其書董孝子廟碑尤爲世所稱聞志錢志云聞志牽合進廣孝經之徐浩爲一人按唐書藝文志有四明山人徐浩進廣孝經十卷乾元二年授校書郎乾元乃肅宗之年號其時季海久已貴顯恐別是一人故宋乾道間直秘閣知明州張津撰四明圖經特辨之云非徐季海也

蕭鍊師居祠宇觀

唐孟東野送蕭鍊師入四明山
聞于獨鶴心大于高松年迴出萬物表高栖四明巔千尋直裂峯百尺倒瀉泉絳雪爲我飯白雲爲我田靜言不語俗靈

四明談助

卷一

十七

踪時步天

章全素傭作得道

章全素南昌人從吳郡蔣生于四明山傭作甚怠時蒙笞罵蔣生學鍊丹積十年而不成一日全素指石硯而謂蔣生曰先生好仙術亦能化此硯爲金乎蔣生慚而復罵之明日蔣生出外歸則全素已卒蔣生爲之具棺及發篋尸失所在已視其石硯化爲黃金光彩爛然蔣生始懊恨竟死于四明山

中四明山志

俞叟作術周呂生

俞叟隱居四明山從道士學却老之術後至荊州晦迹爲市門監時王潛節度荆南有呂生以故人子索游資潛不爲禮

俞閔其饑寒延至舍中爲呂生具脫粟飯夜旣深取一缶覆地少頃發視見一人長五寸許紫衣金帶俞曰此王公之魂也旋責其薄待呂生失親親之道紫衣拱而受命俞曰呂生所需僕馬之外縑二百匹而已紫衣諾之復覆缶少頃發之則無所見矣明日潛卽召呂生所資一如其數

四明山志

施肩吾受丹仙去

施肩吾分水人元和中舉進士退隱洪洲之西山終身不仕嘗遊四明山與其隱士道流相習後遇旌陽授以丹方仙去留存詩四首

四明山志

同諸隱者夜登四明山

半夜尋幽上四明手攀松桂觸雲行相呼已到無人境何處

四明談助

卷一

十八

玉簫吹一聲

宿四明山

梨洲老人命余宿杳然高頂浮雲平下視不知幾千尺欲曉不曉天雞聲

憶四明山泉

愛彼山中石泉水幽聲夜落虛窻裏至今憶得臥雲時猶是涓涓在人耳

寄四明山子

高栖只在千峯裡塵世望君那得知長憶去年風雨夜向君窻下聽猿時

剡客遇仙

金庭客咸通中自剡溪金庭路由林嶺間將抵明州行三二
十里忽迷失舊路匆匆而行日已將暮遇一道士問焉道士
曰此去人家稍遠無寓宿之所因引至其家林徑幽邃山谷
冲寂既憇廡下烹野蔬食之頃有叩其門者童子報云隱雲
觀請來日齋泊曉道士去客問隱雲觀置來幾年去此觀遠
近答曰自古有此觀去此五百里客曰五百里甚遠尊師何
時當還答曰師往來亦頃刻耳俄而道士歸欲留客久住客
方有鄉關之念懇辭而出乃遣童子示其舊路行三二里失
向來所在及問歲月已三四年矣再訪其蹤無能知其處所

雲笈
七籤

許寂遇劍客

四明談助

卷一

十九

王蜀時許寂少年栖于四明山學易于晉徵君一旦有夫婦
詣山挈一壺酒寂詰之云今日離剡縣寂曰道路甚遙安得
一日及此頗亦異之其夕以壺觴命酌此丈夫出一拍板抗
聲高歌悉是說劍之意俄自臂間抽兩物展而喝之卽兩劍
躍起在寂頭上盤旋交擊寂甚駭尋匣之飲畢就寢迨曉乃

空榻也

北窻
瑣言

王可交賣藥

唐王可交崑山人以耕釣爲業咸通十年權漁舟入江忽遇
花舫招之入內有道士七人設宴奏樂噉可交以栗尋送之
上岸則在天台山瀑布寺前有僧迎問之交曰今早離家蓋
三月三日僧言九月九日已半年餘矣後遂絕粒越州廉使

驗實以聞可交自是攜妻子住四明山二十餘年復出明州
賣藥酤酒言藥則壺公所授酒則餘杭阿母相傳明州里巷
皆言王仙人藥酒世間不及道俗多圖其形像有患瘡及邪
魅者置之即愈後二十餘年却入四明山不復出焉四明山志
沈蛟門咏王可交詩

餘杭母酒壺公藥賣藥買酒自斟酌四明山心去復來一往
逍遙竟何託當年漾舟趙村好青玉案前栗如棗黃衣送我
落青天瀑布當門坐秋草三月三日九月九一日辭家家在
否今來又是幾春秋直得先生幾杯酒

元二士隱寓僧舍

元時葛慶龍南康人寓居四明僧舍精唐律詩酒酣能飛筆

四明談助

卷一

二十

爲數百言然棄不復錄有什一集極精整清容居士集

張憲字思廉山陰人嘗仕張士誠張亡遁入四明山變姓名
爲佛家奴常攜一册自隨臥則以之藉首一夕死于寺中發
而讀之乃玉笥集也其詩始行于世四明山志

四明山土物

犀牛

道書丹山詠見前四明山仙獸有犀牛梁時人范顏捕得皮
爲裘服之所謂對面人不見者也

五色雉

見至正慶元志時以爲瑞物

青毛金文龜

亦見至正志宋祥符中貢之深寧以爲仁廟太平之兆

黃頷蛇

四明山有黃頷蛇四山志勾餘土音詩話云卽騰蛇

石燕

南峯之北巖生石燕餘姚縣志入藥品四山志

五色杜鵑

杜鵑花四明山出明一統志重臺者名石巖聞志四明山有五色杜

鵑花四山志

卷柏

俗呼長生不死草生四明山雖甚枯槁得水卽葱翠謝康樂

山居賦云卷柏萬代而不死四山志

四明談助

卷一

二十一

風蘭

掛蘭一名見風生不土而植或以亂髮繫之掛于風前卽能

開花四山志

旱蓮

姚山有孫子秀別業其蓮池久淤爲田禾苗之中雜生蓮葉探之未嘗有藕蓋數百年不絕也四山志

石耳

元吳瑞日用本草云石耳生天台四明諸山石厓上遠望如烟久食益色至老不改令人不饑四山志

雪桃

冬桃勾餘土音詩話云所謂不旄之桃也

玉延

薯蕷一名山芋一名玉延又名脩脆野客叢書云英宗諱曙改名山藥宋蘓頌曰出北都四明者良

四明山志

仙人菜

仙人菜雷雨之後生白水山厓石間

四明山志

白附子

白附子多出外番中土惟西涼一帶有之而唐人取吾鄉之產爲貢物陳藏器係吾鄉人又生唐時而本艸不及焉異矣

句餘土音詩注

萬季野斯同鄮西竹枝詞

四明山在鄮城西千古遙傳皮陸題豈若二黃親載筆賦成

四明談助

卷一

二十二

直與此山齊

詩話皮陸作四明九咏未嘗身履其地明末姚江黃梨洲晦木兩先生縱遊數月各有紀述始盡發此山之蘊

種穀無如種藥材南村沙土盡堪栽近時東郭蛟關閉土產還憑此地來

詩話西南諸山堪種藥土人多享其利

勾餘土音賦四明土物

五色杜鵑

三月春深杜鵑啼有花冉冉隨之飛太平杜鵑無涕淚五色祥光照晨晞四窻四面無雜種五色杜鵑花冲融老夫凡骨非仙骨但取花漿和墨濃望帝遺魂化杜鵑再傳別作山花

妍五雲長護石巖裡山王閭闔別有天

犀牛

聞之木元虛深山有犀牛對面或不見以爲范顏裘是皮吾
無取徒爾滋謬悠斯人各有面斯面各有眸昏昏竟何意蒙
面竟何由祇應衣眩人百變任所投眩人見漢書否則彼貪夫書
攫眞良籌吾將懸神鏡睿鑒窮其幽古來誇資格黑貂爲最
優近更新月旦元狐在上頭犀牛竟何如或別擅溫柔溫柔
即可寶此外吾何求

五色雉

郊子數古官五工以雉名中央斯爲翬兼備五色精鷓鴣及
鷓鴣莫敢與抗衡顧聞伊洛南有翬爭飛鳴由來天下中和
四明談助 卷一 二十三
會風雨成昨遊桓溪西靈禽眩我晴山梁眞時哉三嗅隨我
行有如忘機鷗不以乍見驚人夸上瑞謂是文人徵我文
何足道蕉萃乏光瑩三錢雞毛筆秃盡成高陵何時邀譽命
重離光庚庚

青毛金文龜

神龜負洛書良亦我所疑但考古筴人神物實所稽歐公持
論高未免過貶譏其在四靈中瑞應誠有之歐公不信洛書是也竟以龜爲
穢物則誤祥符聖天子治與成康齊韓范文富杜鳴鳥遍彤墀降
而蔡余輩五彩亦陸離句餘種黑精金文爛青眉遂登汴京
來光照汴水湄今我生太平是龜滿荷池昨夜藜牀倒思取
老骨支臥聽噓靈氣晨看產叢著

黃頷蛇

昔我遊山東海市人咸說更夸山市奇坡公所未覲彼哉少
所見莫向吾鄉述蜃氣成樓臺野氣成宮闕洞天山海間兼
有此奇絕不見黃頷蛇雲烟時明滅中宵吐光芒百怪共噓
拂梅山既東峙簞水又西出分鎮百里間變化成靈物古來
耳食人飛伏分優劣飛卽爲龍騰伏卽爲蛇蟄誰知神蛇宮
卽是潛龍穴

用埤
雅語

石燕

六燕集平衡五雀不可易誰知瑤光墮元鳥化關石從來燕
還往社日必避匿是燕不避社其出亦難測忽然差池羽頡
頰背南北明山深潭潭百靈所封殖千年老胡髯誰人爲物

四明談助

卷一

二十四

色不須啣泥巢石窻有安宅饑卽啖仙菁臥卽枕卷柏吁嗟
烏衣種或爲百姓得是燕負貞心塵氛莫之逼何當籠之歸
空梁生顏色

卷柏

山居誇卷柏萬代長不死出之蕉萃中一勺卽色喜阿儂亦
枯楊一綫餘生理何時吹葭管爲振寒灰起

風蘭

孤根何所麗空中浥沆瀣清馨出深谷迎風充紉佩仰雖沐
天覆俯不受地栽吾欲問屈子此種誰所賚

石耳

非雲又非霧乍卷還乍舒山中何所產石耳長芳腴石窻四

面開聰聽不可淤啖之足療聾以聆萬籟噓

白附子

唐貢

御藥厨中白附吾鄉遠過西涼薈萃四窻靈氣釀成一片奇
香不比烏頭酷烈堪增玉面清剛底事陳家仙尉故鄉佳植
弗詳桑海頻經代易物華亦復天荒試看青櫺一輩佳實何
時得嘗縱令白雲深處根苓未盡消亡亦恐洞天仙子采歸
秘貯山房

首卷先列四明圖咏并總論古蹟事物詩歌其江西南之
正派詳下卷

四明談助卷二

四明山自天台山經剡界嶺南來今先錄太平梨洲等山以次及大俞山漁湖大闌斤嶺大小雷尖轉而東行近北歷三女石門化安白巖戍溪黃墓大隱諸山而謝山爲之足遂以謝山稠嶺終焉其正脉東行近南者詳下第三卷

太平山

跨餘姚上虞二境孔靈符會稽記曰餘姚江源出太平山隨潮至浹江口入海東連四明南接天台孔臯會稽記曰四角生木各種或檫或梓或櫛或榘不相揉雜三陽之辰華卉代發有鍊丹石三一方石廣數丈二圓石類釜曰方石空起下施支石相傳吳于吉之石室吉有神書百餘卷號曰太平青

四明談助

卷二

一

錄因此山也今誤爲葛洪晉謝敷齊杜京產居之晉書曰謝敷字慶緒入太平山十餘年鎮軍郗愔召爲主簿臺徵博士皆不就陶宏景太平山日門館碑曰日門館者東霞起暉開巖引燭以爲名也華陽本起錄曰陶宏景于永明庚午年東行游越處處尋求靈異到餘姚太平山謁居士杜京產此其作碑之時也元末劉履避地此山補註選詩四明山志

孔德璋稚圭遊太平山詩

石險天貌分林交日容闕陰澗落春榮寒巖留夏雪

孫興公綽太平山銘

崑峨太平峻踰華霍秀嶺樊縵奇峯挺嶠上干翠霞下籠丹壑有士冥遊默往寄托肅形枯林映心幽漠亦旣見止渙焉

融滯懸棟翠微飛宇雲際重巒蹇產回溪縈帶被以青松灑
以素瀨流風停芳翔雲停靄

吳于吉住太平山

于吉有神術爲孫策所殺嘗住太平山四明山志

奔牛隴

西面七十峯總名連餘姚上虞二境自太平山發源出爲姚

江江東之山皆謂之四明也四明山志

菁山 菁江

謝康樂山居賦注云三菁太平之北太平天台之始日門館
碑所謂結架菁山之北皆指此也當姚江導源名爲菁江歷
上虞境盡始爲姚江故唐權德輿詩云越郡佳山水菁江接

四明談助 卷二

二

上虞三菁者上中下也四明山志

句餘土音四明土物菁江菁

詩話菁江在上虞以洞天故牽連及之

我聞九節菁功與紫萐同持供三茅君誰其爲長雄願具區
援例入貢天子宮見呂覽 年年度此江江村白雲封

東山

東山在餘姚者謝文靖所居之山也此東山在上虞謝元之
所考卜謝康樂山居賦註余祖車騎建大功淮淝江左得免
橫流之禍及太傅旣薨建圖已輟于是解駕東歸選神麗之
所以申高棲之志經始山川實基于此梨洲有文靖東山不
在上虞之辨見四明山志

李侍郎結寨東山

李公長祥字研齋四川夔州府達州人崇禎癸未選庶常已而北都亡南中又潰起兵浙東監國加右僉都御史督師西行而七條沙之師又潰王浮海侍郎以餘衆結寨上虞之東山時浙東諸寨林立監軍華夏者鄞人爲侍郎連絡布置請引翁洲之兵連大闌諸寨以西向奉侍郎爲盟主刻期將集鄞之謝三賓告之 大兵急攻東山前軍章有功者故會稽農也驍銳善戰所將五百人皆具兼人之勇 大兵以全力壓之被擒不屈死時有百夫長十二人故嘗受 大兵指爲間至是中軍汪彙與十二人期以次日縛侍郎入獻晨起十人忽自相詬奈何殺忠臣折矢扣刃誓而偕遁汪彙追之

四明談助

卷二

三

不及于是浙東浚村接落奉檄有得侍郎者受上賞侍郎匿丐人舟中入紹興城中居數日事益急遁至寧之奉化依平西伯王明先朝先亦蜀人得其資糧屣屨之助由健跳移翁洲入朝加兵部左侍郎侍郎言於王請合朝先之衆聯絡沿海以爲翁洲衛張名振不喜襲殺朝先侍郎懂而免辛卯翁洲又潰亡命江淮間徧歷宣府大同復南下百粵與屈大均處者久之天下大定始居毘陵讀書臺以老焉

結埼亭集外編

當辛卯翁洲再潰時侍郎亡命江淮間總督陳錦得之京口釋之乃居山陰澗谷中尋遊錢塘然大吏以爲終不可測更安置江寧初侍郎之在寨中也寄孥上虞之趙氏及寨潰相傳侍郎已殪其夫人黃氏聚其家人謀共死有僕婦曰文鶯

夫人婢也曰夫人當爲公子計以延李氏香火願以婢子代夫人以吾女代公子俟死于此夫人泣曰安忍使汝代我死曰小不忍最害事速驅之而中有羅吉甫者時遊門下至是奔至曰夫人公子我則任之于是夫人抱其子畝拜吉甫且拜文鶯甫出門捕者至以文鶯去吉甫既匿夫人知平西伯王朝先之于侍郎姻也乃以夫人母子往則侍郎已先在焉相見慟哭爲言文鶯事時例應徙遼東按察使劉自宏者淮人一日五鼓傳令啓城門命吏以文鶯就道不得少待或曰劉蓋憐侍郎之忠密取歸養于家而以囚中他婦代之云而侍郎之自翁洲亡命也又與夫人失及居山陰則夫人又自海上至得再聚侍郎既羈江寧夫人已卒總督馬公陽禮之

四明談助

卷二

四

而終疑之曰是孑然者誰保之侍郎微聞之時江寧有閩秀曰鍾山秀才者善墨竹容色絕世乃娶之朝夕甚昵馬督私謂人曰李公有所戀矣未幾侍郎乘守者之怠竟逸去遍遊天下晚居毗陵以天年終亦一奇也

李斫齋行狀後段

張司馬平岡寨

丙戌江上師潰蒼水張公泛海依肅魯于翁洲明年移節上虞之平岡山寨與王司馬相犄角焚上虞破新昌浙東列城爲之盡閉庚寅翁洲爲行在公復從之

南雷文定張公墓志

寨之起也因

糧于民其不以橫暴累民者祇王公翌李公長祥與公而三履畝輸賦餘無及焉

結埼亭集張公神道碑

分水嶺

在上虞縣境其水西行歷菁江入姚江東行經大兪溪由仗錫山右合蘆棲坑水歷百餘里然後出大皎達它山見魏吉州水利脩覽高隱學採入敬止錄又曹志云四明山西南水源由上虞縣斤嶺歷小嶺上莊石壇龔村小皎而東其上莊南一派水分水嶺經蘆棲坑口合流而出大皎二皎水各流至鯨魚山前而合

梨洲山

四明山志晉孫興公與兄承公同遊于此得梨數枚人迹杳然疑爲仙真所遺故名其地曰梨洲興公天台賦曰涉海則有方丈蓬萊登陸則有天台四明皆元聖之所游化靈仙之所窟宅也是蓋身逢元怪非虛言也石窻之水出于梨洲有

四明談助

卷二

五

坡曰響石砰

元戴帥初響石砰詩

蒼茫一片莓苔地隨意觸來還有聲定是戰坑餘箭戟不然琴屋貯瓶罌名真過客多能記迹古居人不敢耕孫叟有靈應索笑賦成曾此試琮琤

明汪師古繪梨洲山詩

蓮花紛向日邊開雲影長依斗柄回北引羣峯朝禹穴南分諸嶺上天台梨因孫綽來時見桃是劉綱去後栽風景恍然人世外但聞雞犬石巖隈

句餘土音四明土物梨洲梨

世稱禦兒梨足以壓大谷何如剡源產玉乳流膏沃豈果魏

眞君餘甘留芳躅孫郎雅好奇屏營空山麓

梨洲洞天眞人魏道微所治

白水山 羊額嶺

黃梨洲四明山志云飛瀑注壑奔揚滯沛數里之內時有霧露霑人所謂潺湲洞也初白君有仙術隱于洞側後漢下邳劉綱爲上虞令棄官同妻樊氏雲翹從之學道亦遂居于此其後飛舉于大闌乃建觀于飛輿之地唐天寶三年遣使禱祠病大闌險遠勅道士崔銜處士李建移祠宇觀于潺湲洞外從劉樊之故居也宋政和六年徽宗書其門榜曰丹山赤水洞天觀之盛時有石田山房有清暉亭皆元道士毛永貞所築山之左右曰石屋曰雲根元曾堅云石屋雲根間有瀑布如懸河是也其流爲洗藥溪亦名紫溪瀑布之上爲羊額

四明談助

卷二

六

嶺崇寧間進士孫彥溫鑿險通之神異記曰餘姚人虞洪入山采茗遇一道士牽三百青羊飲瀑布水曰吾丹邱子也山中有大茗可以相給他日甌犧之餘幸不忘也洪因立茶祠是後往往獲大茗焉此嶺之所以名羊額也

三台峯 石屋

在白水宮之上三峯鼎足而立中有石室漢張平子居之亦

名石屋山

四明山志

祠宇觀 石田山房

劉樊飛昇唐時建觀曰祠宇石田山房在觀旁則元道士毛永貞之所築也初三十代虛靜張天師以道術授上清宮三華院混朴吳真人旣得其傳居是山故祠宇之系出于三華

三華有貞一先生朱本初亦以博洽見稱于卿相間毛君實從之游先生固愛之以教檄歸領祠宇觀事暇則退處于山房焚香晏坐外物不以累其心蓋其左右有峭壁穹崖流泉瀑布其下則磊砢犖确町畦萬狀無非石也菖蒲河車芝艸蒼耳隨采而足稻梁之植十不收一故以石田名之

明初曾
堅石曰

山房
序

明沈嘉則潺湲洞詩

潺湲吹古雪倒捲入銀河月色兼秋動山聲入夜多雲來濕不去雷疾響難過枕石驚還起天風摧大波

明朱景純炯白水宮詩

我生頗有烟霞癖倚杖看山日幾回石穴鑿開丹鳳去瀑泉

四明談助

卷二

七

飛作玉龍來因風忽灑半空雪不雨長鳴萬壑雷獨羨山中毛外史隱居眞得小蓬萊

百雲山

有鳳鳴洞兩崕石壁裂而成洞相傳有真人吹簫而下其音若鳳鳴此洞其鍊丹處也石上題名有敲開石壁曾飛飲鍊得金丹不賣錢壬戌五月丁未日滕悅顏辛刻其祠爲女冠

像士人于此卜夢焉

四明
山志

黃忠端公尊素百雲山鳳鳴洞記節

古虞有鳳鳴洞在百雲深處其山據邑城之南洞祀眞人像設爲女冠科舉之士于冬至咸宿祠中夢卜多有靈驗癸丑五月之望自黃竹浦登舟舟行甚駛遲明登陸並山之麓流

泉奇石青林文篠百羽啁啾其間石磴曲折南行徑窮無路
突然層巒複澗迷亂不知處所始歎靈境非仙真莫可當之
菴故址在山阿僧悟定移建于上從方丈左旋數武爲鳳鳴
洞雙峽陡開峭壁嶙峋插天其中豁然窈窕濶三丈餘深十
餘丈上之濶視下損三之二其頂穿仰而見如水裂者天光
也瀑水數十丈瀉于室中之奧而雨絲冰雹遠射室口聲如
崩雷惡浪驚人心目不特其景過清而已也真人姓名不可
攷按神仙傳曰魏伯陽與弟子入山鍊丹丹成伯陽與一弟
子服之入口卽死其二弟子不服出山伯陽及死弟子卽起
而去附書伐薪人寄謝二弟子二弟子見書始大懊悔所謂
入山者卽此山也像之爲女冠亦是杜十姨之訛莊周之綽

四明談助

卷二

八

約若處子豈其處子耶夫真人處倒景之上其視場屋之一
得一失何所輕重而乃屑屑較之示人于隙馬風燈傲爲先
覺乎噫吾知之矣鏡無妍媸之相而人之妍媸見于鏡中水
無星月之形而天之星月涵於水底亦若是而已矣

東山

此謝文靖所居之山也今以上虞東山爲文靖所居者非高
僧傳曰支遁先經餘姚塢山中住至于晚年猶還隴中或問
其意答云謝安石曾數來見輒移旬日今觸情舉目莫不興
想宋樓扶曰過姚江而南村以許稱卽元度所居里史言文
靖寓居會稽與高陽許詢桑門支遁出則漁弋山水入則諷
咏屬文此居與支遁所居密邇與史正相符合可以證文靖

之東山非異地矣且其地之清賢嶺謝公嶺無不以文靖得名有石洞一名孤豎上負奇巖蟠際數畝其腹空洞中多紆曲愈入愈深

四明山志

東明山

四明之水口有東明寺有怡悅書院宋孫一元建以爲爐溪文社黃東發方達材曾讀書于此有孝子祠祀至元石明三者也

四明山志

石孝子殺五虎

元石孝子明三四明山農早喪父獨與母居一日以事出告其母曰兒出母無侍養者幸往依女氏待兒之歸其女氏去母家甚邇孝子謂母可卽至竟行後二日歸先過女氏迎母

四明談助

卷二

九

而母未嘗至心驚皇抵家見壁間一巨竇覘之則虎子三據其榻有餘血漓淋大慟盡殺虎子復磨一斧立竇內頃之母虎循竇入斫其首碎之取肝腦磔諸庭復大慟曰吾雖殺四虎母讐未足報也乃更跡牡虎所行路持斧阻崖石待之牡虎咆哮過崖下孝子奮前當虎首連斫數斧虎斃孝子亦死殭立不仆張兩目如生而手持斧堅不可奪鄉隣走視皆股栗獨嘗捕虎者相率拜祭而神之

戴九靈石孝子傳

菁山東山在太平之西白水百雲東明等山在梨洲大闌之西俱南來脉之分支其正脉由梨洲至石窻歷大闌斤嶺北行轉東起大小雷

四明石穴稱石窻

土名大俞村從此而上鳥道萬仞度索行空山南有石室高五尺深倍之廣如深而六之中界三石分一室而爲四其謂之窻者俯臨無際自下望之猶樓之有窻也謝遺塵云有峯最高四穴在峯上每天宇澄霽望之如牖戶相傳謂之石牕卽四明之目也危素云中峯最高上有四穴若戶牖以通日月之光皆是也謝康樂山居賦注四明方石四面自然開牕窻固有四總在一面以四窻爲四面康樂亦據傳聞未嘗親見耳昔劉晨阮肇遇仙女于此是時此山但名天台故云劉阮入天台其後分之爲四明則以此事歸之天台而石窻之蹟無有知之者矣

四明山志

大俞村之山今土人稱爲鑊蓋山

沈嘉則遊記云離仗錫寺由三峽西出南折過一山若井陘

四明談助

卷二

十

然至大俞溪溪東西皆居人西俞姓東卽寺莊溪闊數尋步石作渡西上嶺卽四明山也輿行殆里者十盤而陡者數處漸行漸高澗落翠微中或見或隱樹杪濕而四山益高峻西大山端委而長山椒石矗矗起童而色蒼赤是謂白巖頭蓋四明之前山相隔一巨溪溪南繞而復北折爲大俞溪去里二十蹕遠矣然望之山不覆也至是不可輿土人前導者斫荆榛取徑南入二三里許山俯而復昂崖窮壁立蓋幾千仞下視潭水黑臨厠不敢窺窺輒眩厂稍西南向者亦骨立水滴垂腰穴而岫者四卽石窻也號稱四明者無徑路隨導者縱橫上下援竹樹匍匐至厂下石确稍陂陀凸受手縮凹納趾蹠橫上十步達岫口中岫稍深丈濶如之中臥一石隔爲

兩岫乃俯首入躬曲不伸出厂口伸右岫僅容臥一二人者左岫容三四人臥石五色錯仰視若網狀亂石珠綴大者鼓如中者斗如小者丸如細者粒如盡題名及歲月字皆汪生手書分篆楷行艸其惟懸鼓仰書滴石乳作墨瀋云下視溪壑雖斗絕然石藂藂生草樹以故不甚怖愕

石窻去仗錫隔一大溪其脉與大闌山相連本不屬仗錫因石窻四無人居遊石牕者必先寓仗錫寺且屏風巖四明山心四大字在仗錫寺前後人遂誤以仗錫爲四明山心居中以運之矣四明山以石牕名顧不可得奉化西南有蓬島安巖二山宋乾道圖經寶慶志皆云其源來自四明山據此則四明主山自應在奉嵯之間但未能遠覓姑

四明談助

卷二

十一

就沈嘉則所稱大俞山之四石穴稱之後當攷正

余君房

寅

四明山游籍序

四明山不難遊難在從大雷入沈嘉則與其徒長文之遊四明山也從大雷入矣往王新建遊四明從餘姚入從奉化入稍夷從上虞入則又夷從餘姚與上虞等而大雷最不夷不從大雷莫覩所謂大闌錯愕諸勝天以險故勝人以險故得盡勝其斯然耶嘉則爲余言未至四明五十里從版障望大闌四明大觀了了矣顧莫得所謂四窻者卽王新建亦莫克覩也而嘉則與徒披榛抉路取于必得快意當前恣放厥詞然止觀四窻耳四窻而上峯頗不相直而斗絕豈其絕巔哉嘉則迫日暮不得上他日者扶筇獨往其觀益奇當爲嘉

則補記萬歷甲戌秋余寅

又跋沈嘉則四明山遊記云辛卯問津石牕歷百步階嶺復逾小嶺鄞邑地盡過大溪入姚江界傍溪皆民居是爲大俞問路一老叟欣然有追陪意當劬筍忙因不之強就其所指從竹山徑路而上將十里徐眺大闌諸山外一片白光茫茫無際不知是雲是海老松滿山或高或低或大或小或俯或仰或如虬龍或如偃蓋皆蒼古森秀怪怪奇奇恐非畢宏韋偃輩不能措筆也觀之竟欲忘返踰嶺一二里見山下土田茆屋已知路不由此然山頂看山分枝蜿蜒勢若游龍遠睇仗錫羣巒攢聚狀如芙蓉寺居其中故云四明山心也經嶺側小徑東行隱隱聞隔山人語聲跡之得筍廠往問之云此

四明談助

卷二

十二

係大巖下所言多奇松處卽石窻之後頂也路實非遙但茆塞不易尋奈何于是下嶺出所賫乾糗分爲食酌飲于溪日始亭午各舊起不中徑路不顧荆莽連度數高峯迄無所見倦甚忽得路帳然返矣壬辰復至大俞俛一叟導行捫蘿攀竹隨路而轉反從一峻徑下半里四窻忽立其前共相驚喜曰昨非舍近而求遠乎視巖高可十餘丈橫約三十丈厂高五尺入內腰不得伸本一厂而石隔爲三右一穴有重窻故謂之四窻以窻名者因懸空半出故耳石皆紫赤色勾章所題懸鼓垂磬片雲藏書處等字長文以墨筆書之年久湮沒無復存者中穴石上有小石牌高不過二尺中書四明洞中得道威靈顯應天仙諸聖左書無爲居士李覺廣右書行伴姚

覺明同立此必賣符咒江湖老所爲也綠林嘯聚時人皆挈
家入內避兵今或養蜂其中丹山赤水洞天將爲村民之別
墅乎巖徑臨厠深窅無堦窺之眩目幸叢柯掩映使人不怖
久坐方起途中採活鹿草以歸據中云至大俞下峻徑半里
吾友郭岑逸云實有二三里

王右仲

嗣爽

答汪時億詩并序

仗錫有四明山心磨厓四大字故今誤指之蓋四明山七十
二峯周遭四百里仗錫亦四明支山也至四明之得名則以
石窻玲瓏通日月星辰之光故不見石窻不爲眞四明而百
錫尊公長文先生歷訪得之百錫錄其山程以示予因走筆
賦此答之兼訂入山之約山程云南門買舟一日至溪口宿

四明談助

卷二

十三

次日二十里至小晦又二十里至雉嶺又二十里至茅陽菴
又二十里至唐湖嶺又十里至東林王家又十五里至四明
山麓從麓至頂約十里頂上有石屋一間通日月之光傍結
艸屋三間數道人自耕食

四明山開千葉蓮七十二峯含紫烟石牕窳窳籠日月先朝
題識猶依然可惜四明人却述四明路第九洞天何處尋側
身西望空烟霧今人游仗錫哆口誤四明此如珍鼠朴亦是
渾筵楹豈似桃源隔人境奇蹤永閉空聞名若翁胸中有邱
壑細訪樵漁談鑿鑿何殊伏波聚米作山谷翠瓣紛紛眼中
落君知我同調爲我示其詳郡城一日到溪口小晦雉嶺遙
相望茅陽直指唐湖嶺逕迤前見東林王山根相距已無幾

陟彼高岡十餘里帝座崇巖呼吸通海嶠微茫觀止矣潺湲
幽可憇青櫺甘可餐樊榭臨澄潭影搖松翠寒雲南與雲北
來往虛空間所以餐霞上一往竟不還我今便治登山屐痛
飲題詩四窻石與君先訂入山期莫遣桃花水中碧

劉阮遇仙

劉晨阮肇漢永平中入天台山采藥至溪澗遇二女容貌絕
麗迎歸食以胡麻飯山羊脯遂爲夫婦住半年天氣和適常
如二三月百鳥哀鳴二人求歸甚切女喚諸仙女共作歌吹
送別二人還鄉子孫已傳七代欲還女家則路迷太康八年
二人不知所至黃梨洲四明山志云是時四明總名天台山
劉阮遇仙之跡相傳在今石窻戴表元四明山中詩劉郎一

四明談助

卷二

十四

去杳無踪白水青山只故宮是也

唐曹唐記事詩五首

劉晨阮肇遊天台

樹入天台石路新細雲和雨動無塵烟霞不是生前事水水
空疑夢後身往往雞鳴巖下月時時犬吠洞中春不知何地
歸依處須就桃源問主人

劉阮洞中遇僊子

天和樹色靄蒼蒼霞重嵐深路渺茫雲影滿山無鳥雀水聲
泐澗有笙簧碧沙洞裏乾坤別紅樹枝頭日月長願得花間
有人在不令仙犬吠劉郎

仙子送劉阮出洞

殷勤相送出天台仙境那能却再來靈液每歸須強飲玉書
無事莫頻開花當洞口應長在水到人間定不回惆悵溪頭
從此別碧山明月照蒼苔

仙子洞中有懷劉郎

不將清瑟理霓裳塵夢那知鶴夢長洞裏有天春寂寂人間
無路月茫茫玉沙瑤草連溪碧流水桃花滿澗香曉露風燈
零落盡此生無處訪劉郎

劉阮再到天台不復見仙子

再到天台訪玉真青苔白石已成塵笙歌冥漠閉深洞雲鶴
蕭條絕舊隣草樹總非前度色烟霞不是昔年春桃花流水
依然在不見當時勸酒人

四明談助

卷二

十五

大巖奇松

大巖山卽石窻之後頂也巖下多奇松最有名余君房曾至
其處見遊記

漁湖

張東沙郡志曰漁湖在四明山中相傳爲漁湖福地或云卽
四明山心是也雲笈七籤曰第三十六福地茭湖漁澄洞在
古姚州西皇初平曾隱此處沈嘉則四明遊記由錯愕而東
十里所云有漁湖在字巖下今業已爲葉氏宅湖蓋僅存一
溝矣

漁湖若云由錯愕而東字巖下當在大溪以西屬大闌脉所
云四明山心不必專指仗錫也

句餘土音賦四明土物茭湖芡

詩話茭湖在餘姚

沈沈漁澄洞中有皇先生

茭湖洞天真人皇初平所治

憐我脫粟糲飽我

雕胡精生來愛省事嬾作嶺上行

茭湖嶺最峻故諺云事好省莫上嶺

連天黑

雲漂孤負菰米盈

今環村之上有山峻險異常山頂有池人皆稱茭湖東上橋張氏有墳在其處非古姚州之茭湖也

錯愕嶺

一名錯愕巖

聞崧泉志云從大皎進四明之路此說恐誤四明從大雷入當經小皎過蒜坑嶺苦竹嶺踰錯愕嶺沈嘉則遊記可按也若從小溪大皎入可不必過沈嘉則四明山遊記云踰錯愕

四明談助

卷二

十六

嶺巉巖萃嶺徑路如綫穿雲霧以上磴纒細石盤繞趾蹠磴隙磴滑卽墮傾跌數四始及顛而下益峻險手援竹樹足藉朽株蟻附而下山顛石皆林立峭拔列若屏者挺若筍者壁立而去尺許復壁立而起若鉅斧劈者不可枚數山下巨溪南繞溪中石亦大小錯高澗飛泉蛇行而下若風若雷若鐘若磬若竽若笙若崩若擊使人目不及瞬耳不及審乃坐大石歌滄浪之詩以行

沈嘉則度錯愕嶺詩

錯愕復錯愕度之若昇天居然蜀道險落花吾眼前三上五回顧十行九步顛捫雲手不定躋險脚到肩峯欲壓面墮石疑撐背穿境奇心頗快路迫愁仍煎前得異者笑後遭危者

憐汗落不可掬息陰坐茫然

汪長文

禮約

錯愕嶺詩

萬峯青春縹緲危巒騰騫兩厓老石上人凌樹杪霞六丁
蹴死烟飛艸大谷沈沈入南極蛛絲鳥路風吹直鐵花老幹
春不歸鬼母號天罔兩泣怪蛟窺人作人立迸水泠泠洗雙
屐陰風翦雨雲片磔峽天漏日水花白巨石開關起仙宅欲
傾不傾走魂魄征西將軍眼花碧蠶叢魚鳧空跼蹐

柿嶺

沈嘉則從大雷游四明踰錯愕嶺後卽登柿嶺進仗錫遊記
云登一小嶺繞而南出乃一曠土寬數十畝者有沈氏居焉
地曰柿嶺家戶業紙居後山如屏少憇買酒餉輿人野老一

四明談助

卷二

十七

人欣然出酒穀相勞苦乃爲三酌而起

大闌山

鄞縣餘姚分界處

敬止錄

山頂平廣可以走馬形似伏虎後人

謂劉樊昇仙其履化爲臥虎故又名伏虎山山多青石剖之
皆有七竅故又名孔石唐懿宗咸通元年三月剡賊裘甫分
兵掠明州六月浙東觀察使王式斬甫裘其餘黨劉從簡率
壯士五百奔至大闌山據險自守踰月始去今俗呼爲走馬
岡

四明山志

明末遺臣餘姚王翌等亦嘗聚衆結寨于此

唐裘甫據大闌

唐宣宗大中十三年十二月浙東賊帥裘甫攻陷象山官軍
屢敗明州城門晝閉懿宗咸通元年三月裘甫分兵掠明州

明州之民相與謀曰賊若入城妻子皆爲菹醢况貨財能保之乎乃自相率出財募勇士治器械樹柵浚溝爲固守之備是年浙東觀察使王式斬裘甫浙東郡邑皆平

通鑑

勾餘土音甬上饒歌

搗大闌

龐黃有先聲裘甫亂明越恣行浙河東大闌其巢窟是山良巖關難以驟馳突可憐諸使鎮束手神魂怵誰薦王常侍方畧真奇倔狡兔雖善馳天網不可脫神兵已四布遂成籠中物英英雲使君海門嚴堵截大闌烽火平依舊清瑟瑟

明末山寨

丙戌江上失守錢忠介已奉王出師于閩浙東山寨亦羣起

四明談助

卷二

十八

遙應之其時先後立營者李公長祥有東山寨王公翊有大闌寨張公煌言有平岡寨其餘草竊團聚不可屈指寨之起也因糧于民民始以其爲故國也共餉之而其後遂行抄掠民苦之其不以橫暴累民者祇張王李三寨履畝輸賦餘無及焉

鮚埼亭集

李公事見前東山寨張公事亦見前王公傳見下

王公翊字完勳別號篤菴世居慈溪至公始遷姚江畫江之役知餘姚縣王公正中集鄉兵從孫熊二公于江上上疏薦公爲職方盡以軍事付之已而江上破黃公宗羲引其殘卒入四明結寨以觀變時公方走海濱招兵謀與黃公合遂結寨于大闌與之同事者慈溪王公江也寧義士董志寧華夏等謀引黃斌卿翁洲之兵合山寨以起事爲人所首事遂潰

大兵急搗公攝事避之戊子正月公以軍還三月破上虞殺其署縣事者時浙東山寨相繼起顧諸軍單弱不如公所部之雄于是 大兵欲平山寨以公爲的由四明之清賢嶺而入 大兵猝至公敗喪其卒四百人後與馮公京第合軍守杜畧公復敗于杜畧而以四百人走天台乞天台洞主俞國望之兵沿道招集流亡一月復至萬餘人間道入杜畧擊破團練公復振己丑春又破上虞浙東震動公軍旣盛設爲五營五司五營以主軍公主之五司以主餉王公江任之視山中田可耕者且耕且屯而其餘則履畝而稅無橫征比戶安堵如故是月公自上虞出狗奉化 大兵方攻公塘洞主吳奎明破之猝遇公兵而戰 大兵失利六月監國至健跳公

發使奔問官守并致貢王遣使拜公河南道御史當是時王以翁洲爲行在石浦健跳爲畿輔彈丸黑子之區金湯盡焉而 大兵所以不遽下者以山寨欲乘其後也會稽嚴我公請于大帥願充招撫徧歷山寨公部下左都督黃中道言于公曰田橫不烹酈生于說降之時使齊之士心已搖而後烹之不已晚乎公曰君言正合吾意于是我公不敢直入先以使來中道遂烹之分于諸營我公夜遁庚寅三月公朝于王所再進兵部右侍郎八月破新昌拔虎山時 大兵定計下翁洲以爲不洗山寨無以塞內顧乃大舉兵會于大闌軍營瀾漫三十里游騎四出諸寨多迎降或四竄公屢戰不能抗以親兵入翁洲公固與定西侯張名振不相能不樂居翁洲辛

卯秋聞 大兵三道下翁洲公曰事急矣請復入山寨集散
亡以爲援七月遂還山中二十四日有大星墜于故寨野雞
皆鳴父老憂之時公將由奉化出天台至北溪爲團練兵所
執同行者公之叅謀蔣士銓也公神色自如八月初一日赴
定海以 大兵將下翁洲羣帥皆赴定海也公每日從容束
幘掠髻修容謂兵士曰使汝曹得見漢官威儀也初五日士
銓先公受刑公在獄爲文祭之十四日行刑羣帥憤其積年
倔強聚而射之不仆乃斧其首而下之乃仆從者二人其一
曰石必正一曰明知餘姚人皆不肯跪掠之使跪則跪而向
公并死公旁 大兵見之有泣下者

結埼亭集外編

盧公若騰字牧舟闌之同安人公以巡守浙東兵備駐節于

四明談助

卷二

二十

寧時有雲竇山賊私署年號引東陽作亂之徒乘機竊發公
不大聲色授方畧于陸太守自嶽而定之故婺中塗炭而甬
上晏然後公以思文之命撫軍永嘉甫至而事勢已瓦解嘗
閒行入大闌山寨吾鄉父老壺漿上謁公垂涕而遣之及海
上之局同袍澤者吾鄉巨公最盛閣部則錢公止亭沈公彤
菴列卿則馮公簞溪張公蒼水陳公逋菴臺省則董公幼安
紀公衷文皆以中流擊楫之蹤與公最睦諸公淪喪殆盡晚
歲獨與蒼水同事最久嘗見林門有間使至寄聲問曰賀監
湖邊棠樹生意得無盡乎然則甬上之爲桐鄉固公身後之

所勿諼也

結埼亭集
祠堂碑文

句餘土音擬薤露詞

送我重繭行

盧都御史山行

詩話牧舟盧公以思文之命撫軍浙東浙東已破徘徊永嘉潛行入四明時大關山寨已起公偕往巡視之歎曰此吾前年脩兵斯土削平山賊故營也而今倚爲光復之一旅乎後從亡島上竟卒焉

昔年萬山中伏莽自我平人植一株柳思以偃甲兵今我永嘉來血瀑重含腥欲憑絕谷險而爲卽墨營山中殘父老壺漿爲我迎感茲父老意痛彼天步傾勗哉其努力振我故部聲莫道蝸牛窟少康始一成西風颯颯響送我重繭行

烹酈生

黃都督分醢

詩話奉化黃都督中道在王侍郎軍中爲前鋒將 木朝

四明談助

卷二

二十一

遣招撫使入浙東侍郎懼其搖士心都督曰此易拒耳招撫先遣其吏持檄入山都督醢之分餽各營招撫竟不得入後都督卒死節

田王已附漢置酒款酈生及聞淮陰來乃作五鼎烹附漢豈得長始謀良未精厥後逃窮島進退兩無成三齊吾世守曷若以死爭酈生說降時卽應烹爲羹分享臨淄士助防歷下城軍敗判生死亦足全吾名浙東有故將拒降何錚錚嗔目怒一呼酈生踉蹌行試過分醢寨山鳥猶哀鳴

劉樊昇仙

三國吳劉綱字伯經任上虞令與夫人樊氏雲翹同學道于白君道成嘗與夫人較術綱作火燒碓屋夫人禁之卽滅庭

中有桃兩樹各咒一樹使相鬪良久綱所咒者不勝走出籬外綱吐盤中成鯉魚夫人吐獺食鯉入山遇虎綱禁虎去則便號夫人繩繫虎頸牽歸牀側綱試術事事遜于夫人將昇天大闌山有皂莢樹綱昇樹數丈方能飛舉夫人平坐冉冉如雲氣之升山中樊謝其遺蹟也

四明山志

升仙木

劉綱道成會交友登大闌山頂攀木升其上舉手呼別夫人次之俱仙去遺履山下化爲臥虎後人名其山曰昇仙山木

曰升仙木

四明山志

宋謝皋羽樊夫人上升詞

石蠓粘窻秋見海山雞夜啼弄光彩玉童吹笙導夫人青髮

四明談助

卷二

二十二

凌風素霞在雨塵離地白浩浩河西種星榆樹老海桑童童日出歸衣濕上池洗頭草

元鐵充之升仙木詩

辟穀升仙世所奇幾人到此亦成迷齊眉化羽歸何處樹老

山空鳥自啼

沈嘉則樊榭詩

夫人僊去遠樊榭尚知名月落迷粧鏡花深斷寶纓山川今喜託天地故難憑倘是吹簫處應聞有鳳鳴

孔處士隱居

齊孔祐會稽人隱于大闌山嘗見谷中有錢數斛視之不異瓦石有鹿中矢來投于祐祐爲之養創愈而去因建鹿亭于

樊榭之側四明山志

沈嘉則鹿亭詩

孔祐今何處空山有鹿亭路生迷宿草天遠落寒星春雨茸茸綠烟峯漠漠青放麕嗟往事深竹故啼猩

寒草巖

亦名韓采巖巖石嶽崦臨溪溪闊數十丈左爲寒艸洞初偃而入徐可仰視右爲釣臺四明山志巖在大闌之東仗錫之北鐵充之詩

寒草巖前春色稀桃花無數映清溪吾行已到僊家窟不比漁人此路迷

韓采巖 樊榭 包裹巖

四明談助 卷二

二十三

余漢臣遊記云遊大小巖坑之後居彌月復思踪跡樊榭客曰韓采巖釣臺卽樊榭也一日天稍涼由百步階經箱籠潭潭兩岸并潭底青石正方如箱者如籠者大小不一約十丈地皆然涉大水坑登韓采巖巖形特異秀出羣巒上平區爲釣臺下有棋盤石坐望羣峯屏列一面洋洋大觀大水坑有白砂凡患病者拾投劑中煎飲輒有驗最上一石屋曰包裹巖昔有僧縛茅守山下至孔道隔大闌止六七里矣道上有寒翠亭今廢

蒜坑嶺 苦竹嶺

從大雷進四明先過版障嶺次斤嶺次蒜坑嶺苦竹嶺錯愕嶺沈嘉則四明山遊記云小皎村盡表石界餘姚爲龔邨爲

石壇爲斤嶺而小皎溪一支南入爲蒜坑高下皆南行高爲蒜坑嶺又踰苦竹嶺行二三十里見所謂大闌山者若屏障然而所行二三十里路皆在岡嶺之巔險巖者半有四五里腰山而路高者出雲上四面峯矗起下而壑者萬尋色赭而童視之黯黹深閭中斗絕若鍋釜然行者趾錯鍋際心悸目眩如履九折之阪不能舉足乃誠汪生閉目定神聽輿人不語徐度乃濟回視大山下數十家烟火出林麓間輿人曰此正石壇龔氏居也正嘉間有侍郎公名暉者起家進士蒜坑東山高可與南雷敵山之陽卽大皎鄞屬而所行五六十里間委蛇如蛇山嶺皆犬牙錯忽鄞屬又忽餘屬兩界所由分處有大田同畝土人畧以小塍樹封云時野燒滿谷白烟起

四明談助

卷二

二十四

蒼藹中望之茫茫然若漲海也雖善畫如吳顧王李諸君恐亦未易措手

斤嶺

自趾至巔十六里故稱斤嶺它山之水源由上虞縣分水嶺百餘里然後歷大小皎蜜巖樟村平水此其大派也它山水利脩覽四明來脉至此一束其水雙分西行者出四明灘落姚江東行者至小皎經鯨魚山出平水達許家橋河大皎之水一自嵯縣唐田畝并躡躑嶺下之南北溪來一自上莊南一派出分水嶺經蘆栖坑口來不與小皎水同源舊曾目覩魏吉州水利脩覽混而爲一特據其下流言之耳

大雷尖 小雷尖

此東面之大雷一名南雷戴表元云剡源有兩大雷東西相望百里大雷之下皆有石門然以爲唐謝遺塵所居則非也道書云山多禽獸每爲獵人所狼籍神人警以雷火故有是名有始皇廟相傳始皇曾登大雷陸雲答車茂安書曰昔秦始皇東觀滄海遂御六軍南巡狩登稽嶽刻文石留鄞縣二十餘日王伯厚七觀云秦政騁欲狼心未滿遊鄞踰月從流忘反海水羣飛洪茶于民一瞬爲墟鮑車魚醫則遺蹟此山固其宜也丹山圖詠註云又有金雞洞今其洞在翠巖下是當時通爲一山矣四明山志山有千嶺通魏畧有葉公廟大雷小雷相連絡而起距翠山二十里

三女山

四明談助

卷二

二十五

相傳有三女浴于水濱爲雷所擊化爲三峯亭亭相望此臆說也以三峯嫵媚故名三女耳其水爲藍溪自龔村會大闌三十六畧之水出楊洋黃竹浦注于江戴九靈所謂龍山屐旣躡藍水舟亦艤藍水碧可通蜀山青忽擁皆指此也四明山志勾餘土音賦四明貢物區茶元范文虎進

春風一夜度過三女峯茶仙冉冉乘雲下太空資國寺前雲氣何蒙茸其雷一十有二青葱葱明州之茶製以越州水陸郎

茶經所志尚朦朧

茶經誤以爲餘姚所產不知三女峯在慈而化安泉在姚以是泉裂茶耳

大觀

以來白茶品第一東溪指爲瑞應良難逢社前火前雨前三品備雀舌纖纖足醒春夢慵范家小子已充賣國牙底事又貽慈水厲莫窮在昔蔡公襄生平如崇墉大小龍團尚爲笑

口叢應憐石門車廐百里地春來擷盡香芽山已童自從罷
貢息民真慈惠山中茶竈長與丹爐封山翁私此一槍一旗
樂化安飛瀑獨自流溶溶

十二雷茶竈賦序節 鮎埼亭集

吾鄉十二雷之茶名曰區茶又名白茶首見于景迂先生之
詩而深寧居士述之然未嘗入貢也元始貢之王元恭曰以
慈溪車廐畧中三女山資國寺旁所出稱絕品岡山開壽寺
旁者次之必以化安山中瀑泉蒸造審擇陽羨武夷未能過
焉顧諸公但見區茶之精而不知早見于陸氏茶經按陸氏
云浙東以越中爲上生餘姚瀑布泉嶺曰仙茗蓋實明州三
女山之物特以餘姚瀑布泉遂誤指耳但十二雷者甚難致
四明談助

卷二

二十六

而近日山人亦無識者嘉植沈淪甚爲可歎予自京師歸端
居多暇乃築一廛于是山之石門題曰十二雷茶竈將俟春
日躬親其窆奧而製之因謀茶具甚備茶經曰是茶有二種
大者殊異其卽三女之種乎予因乞靈于茶神以求其大者
先爲賦之

龍山 蜀山

去黃竹浦六七里而近有龍山永樂寺大江橫其東蜀山峙
其右廼易之所謂姚江東去蜀山青之地也蜀山者陸放翁
入蜀記云興國軍富池有小石山自頂直削去半與餘姚江
濱之蜀山絕相類卽此幽潛奇特爲山水勝處

南雷文定

蜀山與化安三女石門諸山隔大江因九靈山房兼龍山

蜀山之勝連類記之

蜀山九靈山房

在永樂寺中元戴九靈嘗寓于此

九靈山房記

畧

鮎埼亭集

姚水之東慈水之西有蜀山焉其地兼明越之勝山之左有永樂寺九靈先生寓于此九靈故浦江人柳文肅貫之高弟也明兵定浙東九靈避地于吳中依張氏久之挈家浮海至膠州欲投擴廓軍前不得達乃避地于昌樂久之浮海至寧定計隱于寧其後遂止于寺時洪武六年矣又十年而被徵太祖欲官之九靈不可忤旨下獄明年暴卒錢受之以爲自裁云九靈以不肯屈身而被繫使其出于自裁固爲元畢命

四明談助

卷二

二十七

卽令以瘦死亦爲元也然則山房雖小足以爲寺重足以爲吾鄉重予每過此輒徘徊竟日不忍去非徒以蜀山之勝也嗚呼古來喪亂人才之盛莫如季宋卽下僚韋布皆能礪不事二姓之節然此則宋人三百年來尊賢養士之報也元之立國甚淺崇儒之政無聞而其亡也一行傳中人物累累相望是豈元之有以致之抑亦宋人之流風善俗歷五世而未斬于以爲天地扶元氣歟九靈愛此寺之勝思守其采薇采蕨之節而不克豈知此寺之不朽正以九靈耶

戴九靈先生

良

字叔能別號雲林婺州浦江人元末以薦授

淮南儒學提舉時事不靖無可行其志乃浮海至中州欲交其豪傑卒無所遇遂南還至正二十六年至鄞寓居者六年

徙慈溪時亦往來郡中其在鄞所作詩文別編爲鄞遊稿

烏春

草九靈山
房集序

戴良以謗被患

周文穆識小編云太祖駐兵金華戴良入見首陳天象之利人心之歸順天應人之舉正唯其時上大悅至夜忘寢次日良忽心悸乃遯去變姓名爲方一寧匿于四明暨兵次括蒼劉基入見論治亂之道時沐英在側上顧謂曰似不及前日戴良歎息久之蓋惜良之去也天下既定上欲招致遺佚制禮作樂復謂沐英言戴良學博才瞻問無不知英對曰良之學出于柳貫與宋濂同門諒此人必亡矣久之奉化胡庭鉉被召邂逅見良而知其情比覲上脩以事聞上復召至京沐英以向日失對恐致上疑乃曰良易名遠遁不知天命所歸何可信也上果啣之令督工石灰山英復言良當復亡耳乃命肩鎖之七日而死子宜之爲金華訓導歲久不遷亦自經死

化安山 剡湖

黃梨洲四明山志云古謂之剡中宋史陳橐列傳橐字德應以權刑部侍郎謝事歸剡中僑寓僧寺卽化安寺也在餘姚縣南三十五里其瀑流懸空而下有石隔之分爲二道各十餘丈滙爲池曰噴珠池瀑布之上有草亭宋元嘉中兗人李信所建有鰲峯俗名開口巖有道巖在山頂如石塔有石湫急流怪石先忠端公嘗記其勝其化安泉昔雲間徐長谷

忠獻

四明談助

卷二

二十八

作水品以四明山之水雪竇上巖爲第一蓋由不知化安泉
也有剡湖謝文正公嘗讀書于此其言曰山水所匯以其景
物之勝似剡溪也

宋元僖詩

宋元僖字無逸明初
人建文時召修元史

五月十四日過應平仲書塾其夜至明日雨不止有懷藍
溪許月山化安眞淨源

天晴獨跨蹇驢來準擬書堂一宿回野色幾年連白首雨聲
半夜落黃梅南山樹對高僧立東浦花隨處士開親舊有懷
難晤語出門流水沒蒼苔

黃忠端兩游剡湖記

節

吾郡剡爲嵯縣唐詩爲愛名山入剡中者此也吾邑之東南

四明談助

卷二

二十九

有剡湖山水所滙渟而爲湖人以其景物之勝擬諸剡溪而
名之謝文正公嘗讀書于此癸丑歲予與象衡元素泐溪而
往至罍口居民數百家南行里許折而西小橋流水拾級登
山其阿爲化安寺荒址童子指點山門方丈禪堂故處而清
磬疎鐘窈乎不可聞矣箕踞松下漱石徵詩劇飲而歸月印
前溪狂歌溢發以爲剡湖之勝盡于此矣後予復至剡徘徊
其間遙見樵人度嶺迹之忽闕一高下原隰兩山夾出有山
家雞犬鳴嗥叢薄樵叟曰此石湫也予攝衣更進峯巒忽絕
斗出奇巖石壁嶙峋插空壁下溪流湯湯澄泓澈底上有奇
鬼趨而搏人急足避之審視方知亦石也又進數武幽壑盤
松濤聲驟起山鳥鳴其巔似嘲似傲恨不得使象衡元素一

見之也夫四明山二百八十峯所謂剡湖之山不過北面七十峯之一耳一峯尚待今日餘峯未知更待何日乎司馬遷始遊江淮卒事梁宋踪跡殆半天下予家四明尚且有待况于天下名山之廣乎以此知人之學問未有窮盡不可少有所見便噉然而自足也

石門山

石壁對峙若門束流于下劣容一人缸而過也門之外有崩湍數十道爲水簾門之內有龍潭其潭天成石釜廣容萬石瀑布十餘丈注之噌吰若鐘鼓有雌雄石唐大理丞孔殷避黃巢之亂于此歿而人神之以司水旱焉有石門寺元柳貫云石門山者宋之禪伯進虎子所棲隱是也

四明山志

四明談助

卷二

三十

黃梨洲石門山詩

石門相去無多路此日重來三十年世事已隨滄海變瀑泉仍向屋頭懸數家好傍猿兒住頑石曾親虎子禪却怪買山非不早至今猶未結茅椽

岡山

下有開壽寺產名茶次于三女山所出

四明山志

平廣深遠地多

異茗上有史相嵩之墓

成化志

車厰山

相傳越王勾踐停車秣馬之所有楊慈湖墓

明時銘詩

春風步屨萬山中夾道新栽十里松石蘚交荒丞相墓

史相天

花散落梵王宮麥畦上下泐溪入茅屋參差隔岸通欲訪商
山采芝叟雲深無處覓仙踪

大小雷脉南來折而東車廐山包在外化安三女石門等
山其水一出藍溪落姚江一出車廐落慈江

白巖山

有仙人石臺高踞溪上最上累巨石圓方二層其下承以四
扁石石隙容人而通明前支一柱柱徑尺高丈餘撼之犖然
或動有師子潭懸崖覆屋飛瀑晝夜吼不絕師子足痕宛然
又有仙人膝痕及五指足迹有藥臼又有永昌潭天寶二載
元宗遣使至四明山投金龍于潭中以朱書識其左肋繼而
雨降元宗親行雨之龍朱書在焉謂近臣白此所授四明山

四明談助

卷二

三十一

金龍也第不解有大寶永昌四字俾使者回奏云奉命沈淵
得木板漆書曰大寶永昌方知化迹遠符也于是名潭永昌
名觀大寶宋祥符間大風觀爲風所拔投空而下楹棟如故
治平二年于是有神運至道之賜有僊人洞其口劣容一人
入則可布數席亦傳爲葛仙翁鍊丹之處四明山志三女石門之
南東行者爲白巖在車廐之內次爲戍溪黃墓大隱諸山而
謝山爲之足

神將運殿

宋大中祥符間大寶觀主李至能有道術能檄召神將一日
至能出其徒盜其符咒水焚檄爲戲神將羣集于庭無以號
令遽云此地卑濕爾等爲我移之須臾忽大風雨運屋于溪

南高爽之處號曰神運殿治平二年賜神運至道額曹太府志

戊溪山

晉安帝隆安四年孫恩盧循據嶺表作亂由海入寇劉牢之禦之屯兵于此曹志

大隱山 大隱溪

夏侯爭先地志云大隱南入天台北峯爲四明東麓以大里黃公墓所得名寧波志云晉虞喜嘗隱于此三召不起因名大隱案其下有太隱溪漢董黯之母好飲此水黯以遠不能致乃築室溪傍得供朝夕于是改名慈溪夫在漢已稱大隱而曰緣起自晉其訛立辨繼虞喜而隱其地者在唐有詩人

四明談助

卷二

三十二

林無隱在宋有楊處士適當范文正守越楊處士在大隱山中聞文正至歛門投謁閤吏抑不爲報文正遺書謝過有吳越相林鼎墓鼎卽無隱之子也有杜醇墓王介甫有請杜醇先生入縣學三書有汪大猷墓朱子有送汪尚書致仕詩此三公者髮齒埒美泉石矣四明山志

大里黃公鄞人秦博士遭時坑廢儒術因與諸博士東園公綺里季夏角里先生避世隱于商山漢高祖時遣人聘之四公不甘仰天歎而作歌謂之采芝詩高帝欲廢太子留侯爲畫策請此四人共輔太子入見上四公年俱八十餘須眉皓白故謂之四皓太子卒得不廢事詳留侯世家甬上耆舊傳縣西二十五里地名黃公林相傳爲漢黃公隱處卽古

之大里也見後三十五卷

史記索隱引陳留志云黃公姓崔名廣字少通齊人隱居夏里修道故曰黃公今攷虞仲翔答王府君稱鄆大里黃公潔已暴秦之世高祖卽祚不能一致惠帝恭讓出則濟難則黃公定鄆人非齊人仲翔生于漢末談漢初事必有傳受不同王劭等之臆說也陶淵明詩有黃綺之南山杜子美詩有黃綺終辭漢之句皆以黃綺對舉則黃爲姓無疑

廿二史考異

董孝子黯字叔達漢鄆縣人故宅在今郡城中渡母橋江都相仲舒六世孫家貧早失怙事母盡孝母疾嗜大隱溪水遠不能常致孝子築室溪濱板輿就養疾遂瘳隣人王寄家富縱酒無行二母相見各言其子寄聞而銜之伺孝子

四明談助

卷二

三十二

出毆其母及還而母在牀因跪請曰黯不孝致母之憂乎曰非也我失言致王寄辱耳後竟不起孝子哀毀負土以葬廬于墓枕戈不言俟王母卒畢葬事乃斬寄首祭母墓自囚以告有司事聞和帝詔釋其罪且旌其異行召拜郎中不就由是以慈名谿以谿名縣宋祥符間錫號純德徵

君志

虞徵君喜世居慈溪鳴鶴場詳見後鳴鶴山下

吳越丞相林鼎字煥文慈溪人父無隱自閩寓居邑之大隱村好學攻苦讀書每達曙善屬文能書得歐褚秘法所聚圖書皆其手抄也錢氏王吳越林與羅隱沈崧皮光業俱爲其賓客自鎮海軍節度判官累遷至丞相性讜直政事

有不逮者必極言之卒諡正獻曹志

吳越脩史云明州刺史黃晟頗好禮士閩人林無隱依之無隱嘗爲詩云雲消二月江湖濶花發千山路道香知言者以無隱必有貴子子鼎生于明州大隱村事吳越果至丞相

大隱先生楊適字安道慈溪人淳厚介特容儀偉然以文學行義重于鄉宋仁宗詔求遺逸太守錢公輔薦之授將仕郎試太學助教不受遯大隱山以壽終鄉人尊之曰大隱先生曹志

杜先生醇慈溪人學以爲己不求人知經明行修學者以爲楷模慶歷中鄞始建學邑令王安石請爲之師不赴再書

四明談助

卷二

三十四

強起之始就慈溪令林肇立學又請爲師二邑文學之盛自先生始曹志

寓公顧主簿南渡後居慈溪廉介安貧踐履雖細事不苟曰起俟賣菜者過門問菜把直幾何隨所言便酬他布帛皆然久之人皆信服不忍欺之里中有不安其分武斷強恃者相與譏之曰汝豈顧主簿耶其爲人推譽如此七觀注

黃墓山

其山帶江有覆船之號有大里黃公墓晉夏統言會稽土地風俗其人循循然有黃公之高節王伯厚七觀云有大里黃公之高標其人怡靜而自珍凡黃公居鄞之蹟先賢論之詳矣海中有黃公墓則元吳萊所謂赤刀厭虎之黃公也四明山志

勾餘土音與同人遊大隱題黃墓

一出定儲宮避嫌遽長往安劉終有待羽翼將安仗野雞長
淘淘人彘空怏怏何不叩餘智天下如運掌豈懷故山芝竟
爾辭塵鞅大里山水清泠泠洞天巖壑鍾精靈篤生人物愛
沈冥千年碩儒楊先生亦復累聘辭弓旌

謝山 雲溪 石人潭

有謝山廟其中丹白猶存舊志以爲謝康樂鍊藥於此宋楊
大隱先生適雲溪寺記云謝山實四明東足王右軍守會稽
謝安石慕舊攜許詢支遁潛息其問故山之擅名由謝太傅
始也然會稽溪山凡言謝氏者太傅康樂誠有難辨未可以
爲必然耳有雲溪山楊大隱云雲溪者謝山之別峯耳有石

四明談助

卷二

三十五

人潭其石屹立如人又有石壁如房滴泉常如屋漏

四明志潭

在慈溪縣西南中有小潭雖旱不涸 國朝順治十一年夏
大旱令王繡詣潭步禱得綠色蛇長數尺目光閃閃昂首四
射大雨立注

曹志

稠嶺

稠一作鷺當鄞慈兩縣之界明嘉靖間海道副使李文進命
于此設寨至三十八年三月內倭奴果從此入林村

聞志